

詩

省試

府州試附

朝省

文苑英華

一百八十一至一百九十

文苑英華卷第一百八十一

詩三十一

省試二 州府試附

各日可愛二首

日華川上動一首

日南長至一首

白日麗江臯一首

夏日可畏一首

秋日懸清光二首

初日照華清宮一首

初日照鳳樓一首

日暮碧雲合一首

日暮天無雲一首

日暮山河清一首

三讓月成魄一首

月照水池一首

海上生明月一首

璧池望秋月一首

秋月懸清輝一首

月映清淮流二首

圓靈水鏡二首

京兆府試殘月如新月一首

玉繩低建章一首

七月流火一首

壽星見一首

老人星一首

府試觀老人星一首

虹藏不見一首

閏月定四時五首

玉燭一首

新陽改故陰一首

迎春東郊二首

東郊迎氣一首

立春一首

春從何處來一首

長安早春二首

春色滿皇州五首

夏首猶清和一首

冬日可愛

陳諷貞元十年及第

寒日臨清晝寥天一望時未消埋逕雪先暖讀書帷屬思
光難駐舒情影若遺晉臣曾比德謝客昔言詩散彩寧偏
照流陰信不追餘輝如可就迴燭幸無私

同前

庚承宣貞元八年及第

宿霧開天霽寒郊見初日林疎照逾遠水輕影微出豈假

陽和氣暫忘玄冬律愁抱望自寬羈情就如失欣事幾許
曠狀非一傾心儻知期良願自茲畢

日華川上動

石殷士

曙霞攢旭日浮景弄晴川杲曜曾潭上悠揚極浦前岸高
時擁媚波遠漸澄鮮萍實空隨浪珠胎不照淵早暄依畝渚
微動觸輕漣孰假咸池望幽情得古篇

日南長至

獨孤鉉元和年吏部

玉曆頒新一作窮律凝陰發一陽輪輝猶惜短圭影此徧長
晷度經南斗流星一作晶盡北堂一作疑同戶耀可愛逗
林光積雪銷微煦初萌動早芒更昇臺上望雲物已昭彰

一作皆雜詠

白日麗江臯

陳昌言

遲景臨遙水晴空似不高清明開曉鏡照晰辨秋毫鬱鬱

長堤上離離淺渚毛烟銷占一候風靜擁千艘獨媚青春
柳宜看白鷺濤何年謝公賞遺韻在江皋

夏日可畏

張籍

類詩作
丘為

赫赫温風扇炎炎夏日徂火威馳迴野畏景爍爍一作鏘遙途
勢矯翔陽翰功分造化鑪禁城千品燭黃道一輪孤落照
頻空篔簹餘暉卷夕梧如何倦遊子中路獨踟躕

秋日懸清光

陶拱洪

一作洪

秋至雲容斂天中日景清懸空寒色淨委照曙光盈泫泫
看彌上輝輝望取明煙霞輪乍透葵藿影初生鑒下應無
極升高自有程何當迴盛彩一爲表精誠

同前

寥廓涼天靜晶明白日秋圓光含萬象碎影入閑流迴與
青冥合遙同江甸浮晝陰殊衆木斜影下危樓宋玉登高

怨張衡望遠愁餘輝如可託雲路豈悠悠

初日照華清宮

柴宿

靈山初煦澤遠近見離宮影動參差裏光分縹緲中鮮飈
收晚翠佳氣蒲晴空林潤温泉入樓深複道通璇題生炯
晃珠綴引臆隴鳳輦何時幸朝朝此望同

初日照鳳樓

李虞仲

旭日煙雲殿朝陽燭帝居斷霞生峻宇通閣麗晴虛流彩
連朱檻騰輝照綺踈曠曠晨景裏明滅曉光初戶牖仙山
近軒楹鳳翼舒還如玉母過遙度五雲車

日暮碧雲合

許康佐

日際愁陰生天涯暮雲碧重重不蓋辨沉沉乍如積林色
黯疑暝隙光俄已夕出岫且從龍縈空寧觸石餘輝澹瑤
草浮影凝綺席時景詎能留幾思輕尺璧

日暮天無雲

能孺登

杳杳復蒼然無雲日暮天象分清氣外景盡赤霄前漸吐
星河色遙生水木煙從容難附麗碩步欲澄鮮但見收三
素何能測上玄應非暫呈瑞不許出山川

日暮山河清

天高爽氣晶馳景忽西傾山列千重靜河流一帶明想同
金鏡徹寧讓玉壺清織翳無由出浮埃不復生縈紆分漢
苑表裏見秦城送興終難繫抽毫仰此情

三讓月成魄

不得泛說
鄉飲之事

劉琬

爲禮依天像周旋逐月成教人三讓美爲客一宵生初進
輪猶暗終辭影漸明幸陪賓主位取捨任虧盈

月照水池

葉季良

霽夕雲初歛棲娥月未虧圓光生碧海素色滿瑤池天迴

輪空見波凝影詎窺浮霜玉比彩照像鏡同規皎潔寒偏
淨徘徊夜轉宜誰憐幽境在長與賞心隨

海上生明月

朱華

皎皎秋中月團圓一作團海上生影開金鏡滿輪抱玉壺清
漸出三山岳將凌一漢橫素娥嘗藥去烏鵲遶枝驚照水光
偏白浮雲色窳明此時堯砌下萸莢自將榮

璧池望秋月

張子容

涼夜窺清沼池空水月秋滿輪沉玉鏡半魄落銀鈎蟾影
搖輕浪菱花渡淺流滿移光漸潔雲歛色偏浮似璧悲三
獻疑珠怯再投能將千里意來照楚鄉愁

秋月懸清輝

蔣防

秋月沿霄漢亭亭委素輝山明桂花發池滿夜珠歸入牖人
偏攬臨枝鵲正飛影連平野淨輪度曉雲微晶晃浮輕露

徘徊映薄帷此時千里道延望獨依依

月映清淮流

徐敞

遙夜淮彌淨浮空月正明虛無含氣白凝淡映波清見底
深還淺居高缺復盈處柔知坎德持絜表陰精利物功難
並和光道已成安流方利涉應鑒此時情

同前

淮月秋偏靜含虛夜轉明桂花窺鏡發蟾影映波生澹灩
輪初上徘徊魄正盈遙塘分草樹近浦寫山城桐栢流光
逐疑蟻珠濯景清孤舟方利涉更喜照前程

圓靈水鏡

徐敞

浮光上東洛揚彩滿圓靈明滅淪江水盈虛逐砌莫不分
沙岸白偏照海山青練色臨窓牖蟾光霽戶庭成輪疑璧
影初魄類弓形遠近凝清質娟娟出衆星

同前

張聿

鳳池開玉鏡清瑩寫寥天影散微波上光含片玉懸菱花
凝泛灩桂樹映清鮮樂廣披雲日山濤卷露疑作霧年濯纓
何處去鑿物自堪妍迴首看雲液蟾蜍勢正圓

京兆府試殘月如新月

鄭谷 見集本

榮落何相似初終却一般猶疑和夕照誰信墮朝寒水國
輝華別詩家比象難佳人應悞拜栖鳥反求安屈指期輪
滿何心謂影殘庾樓清賞處吟徹曙鍾看

玉繩低建章

張仲素

迢迢玉繩下芒彩正闌干稍復臨鳩鵲方疑近露寒微明
連粉蝶的皪映仙盤橫接河流照低將夜色殘天榆隨影
沒宮樹與光攢遐想西垣客長吟欲罷難

七月流火

敬括

前庭一葉下言念忽悲秋變節金初至分空一作寒火正流
氣含涼夜早光拂夏雲收助月微明散沿河麗景浮禮標
時令爽詩異一作典國風幽自此觀邦正一作邪深知玉葉一作業休

壽星見

一作皆雜詠

玄象今何應時和政亦平祥為一人壽色映九霄明皎潔
垂銀漢光芒近十斗疑作城含規同月滿表瑞得天清甘露
盈條降非煙向日生無如此嘉祉率土荷秋成

老人星

趙蕃

太史占南極秋分見壽星增輝延寶歷發曜起祥經灼爍
依狼地昭彰近帝庭高懸方杳杳孤白乍熒熒應見光親
吐休徵德自形既能符聖祚從此表遐齡

府試觀老人星

李頔

良宵出戶庭極日向青冥海內逢康日天邊見壽星臨空
遙灼灼竟曉獨熒熒春後先依景秋來忽近丁垂休歸有
道作瑞掩前經豈比周王夢徒言得九齡

虹藏不見

徐敞

迎冬小雪至應節晚虹藏王氣徒成象星精不散光美人
初比色飛鳥罷呈祥石澗收晴影天津失彩梁霏霏空暮
雨杳杳映殘陽舒卷應時令因知聖曆長

閏月定四時

羅讓

月閏隨寒暑疇人定職司餘分將考日積筭自成時律候
行宜表陰陽運不欺氣薰灰琯驗數劫卦辭推六曆文明
序三年理暗移當知歲功立唯是奉無私

同前

許稷

玉律窮三紀推為積閏期月餘因妙筭歲徧自成時乍覺

年華改翻憐物候遲六旬知不惑四氣本無欺月桂虧還
正階奠落復滋從斯分曆象共仰定毫釐

同前

杜周士

得閏因貞歲吾君敬授時體元承夏道推曆法堯咨直取
歸餘改非如再失欺葭灰初變律斗柄正當寅寒暑功前
定春秋氣可推更憐幽谷羽鳴躍尚須期

同前

徐至

積數歸成閏羲和職舊司分銖標斗建盈縮正人時節候
潛相應星辰自合期寸陰寧越度長曆信無欺定向銅儀
辨還從玉律推高明終不謬委鑑本無私

同前

樂伸

聖代承堯曆恒將閏正時六旬餘可借四序應如期分至
寧憊素盈虛信不欺斗杓重指甲灰琯再推寅羲氏兼和

氏行之又則之願言符大化永永作元龜

玉燭 平字

負南溟

曆象璿璣正休徵玉燭明四時佳氣滿五緯太階平律呂
風光至煙雲瑞色呈年和知歲稔道泰喜秋成寰海皇恩
被軋坤至化清自憐同野老帝力詎能名

新陽改故陰

紇干諷

律管才推候寒郊忽變陰微和方應節積慘已辭林暗覺
餘澌斷潛驚麗景侵禁城佳氣換北陸翠煙深有截知遐
布無私荷照臨韶光如可及鷲谷免幽沉

迎春東郊

張濯

顯項時初謝勾芒令復陳飛灰將應節賓日已知春考曆
明三統迎祥授萬人衣冠宵執玉壇墀曉清塵肅穆來東
道回環拱北辰仗前花待發旂處柳凝新雲歛黃山際冰

開素湮濱聖朝多慶賞希為薦沉淪

同前

王綽

玉管潛移律東郊始報春鑿輿膺寶運天仗出佳辰眷澤
光時輩恩輝及物新虬螭動旌旆煙景入城闈御柳初含
色龍池漸啓津誰憐在陰者得與蟄蟲伸

含色類詩作
推日

東郊迎氣

皇甫冉

曉見蒼龍駕東郊春已迎綵雲天仗合玄像太階平佳氣
山川秀和風政令行鈞陳霜騎肅御道雨師清律向韶陽
變人隨草木榮遙歡上林苑今日遇遷鶯

立春

冷朝陽 見雜詠

玉律傳佳節青陽應此辰土牛呈歲稔綵鷲表年春臘盡
星迴次寒餘月建寅風光行處好雲物望中新流水初銷
凍潛魚欲振鱗梅花將柳色偏思越鄉人

春從何處來

白行簡

欲識春生處先從木德來入門潛報柳度嶺暗驚梅透雪
銀花散消冰水鑑開曉迎郊祀發夜逐斗杓迴淑氣空中
變新聲曲裏催偏能調律呂應是候陽臺

宮中類詩作
寅中曲裏類詩作
雨後

長安早春

杳靄三春色先從帝里芳折楊猶恨短測景已忻長鸞和
紅樓樂花連紫禁香躍魚驚太液佳氣接温湯風送飛珂
響塵蒙翠輦光熙熙晴煦遠徒欲奉堯觴

同前

張子容

開國移東井城池對北辰咸歌太平日共樂建寅春雪盡
黃山樹冰開黑水津草迎金埽馬花伴玉樓人鴻漸看無
數鷺遷聽欲頻何當桂枝濯

疑還及柳條新

春色滿皇州

沈亞之

何處春歸一作輝好偏宜在雍州花明夾城道柳暗曲江頭
風軟遊絲重光融瑞氣浮鬪鷄憐短草乳鷺傍高樓繡轂
盈香陌新泉溢御溝行一作迴看日欲暮迴一作還騎似川流

一作皆集本

同前

鏡新流類詩作汎新流

滕邁類詩作薛能

藹藹復悠悠春歸十二樓
取明雲裏闕先滿日邊州
色媚青門外光搖紫陌頭
上林榮舊樹太液鏡新流
暖帶祥煙起清晴一作晴添瑞景浮陽和如啓蟄從此事芳遊

同前

裴夷直

寒銷山水地春遍帝王州
北闕晴光動南山喜氣浮
天紅粧暖樹急淥走陰溝
思婦開香閣王孫上玉樓
氛氳直城北駘蕩曲江頭
今日靈臺下翻然却是愁

同前

封敖

帝里春光正葱蘢喜氣浮
錦鋪仙禁側鏡寫曲江頭
紅萼開蕭閣黃絲拂御樓
千門歌吹動九陌綺羅遊
日近風先蒲仁深澤共流
應非顛悴質辛若在神州

同前

張嗣初

何處年華好皇州淑氣勻
韶陽潛應律草木暗迎春
柳變金堤畔蘭抽曲水濱
輕黃垂輦道微綠映天津
麗景浮丹闕晴光擁紫宸
不知幽遠地今日幾枝新

夏首猶清和

張聿類詩作黎逢

早夏宜春景和光起禁城
祝融將御節炎帝啓朱明
日送殘花晚風過御苑清
郊原浮麥氣池沼發荷英
樹影臨山動禽飛入漢輕
幸逢堯禹化全勝谷中情

日送殘花晚類詩作日映林花麗風過類詩作風高山動類詩作山爽

文苑英華卷第一百八十一

登仕郎胡 柯

鄉貢進士彭 叔夏 校正

文苑英華卷第一百八十二

詩三十二

省試 三州府試附

青雲干呂四首

白雲起封中二首

立春日曉望三素雲三首

春雲三首

山出雲四首

南至日太史登臺書雲物二首

華山慶雲見一首

上黨奏慶雲見一首

梢雲一首

寒雲輕重色一首

白雲向空盡一首

望禁門松雪一首

都堂試貢士日慶春雪三首

望終南春雪一首

春雪映早梅一首

墻陰殘雪一首

早春殘雪二首

宿煙含白露一首

清露被皋蘭一首

春雨如膏一首

風草不留霜一首

白露為霜二首

薦冰五首

府試水始冰一首

履春冰二首

觀藏冰一首

青雲干呂

林藻 類詩作
吳必

應節偏干呂亭亭在紫氛綴雲初度 類詩作綴
空初布 影捧日已成文結蓋祥光

迴為樓 類詩作
為峯 翠色分還同起封上更似出橫汾作瑞來藩國呈形

表聖君徘徊如有託 類詩作
知有謂 誰道比閑雲

同前

令狐楚

郁郁復紛紛青霄干呂雲色今天下見候向管中分遠覆
無人鏡遙彰有德君瑞容驚不散冥感信稀聞湛露羞依
草南風耻帶薰恭惟漢武帝餘烈尚氛氲

同前

王履貞

異方占瑞氣干呂見青雲表聖興中國來王見大君 類詩作
謂大君
迎祥殊大樂叶慶類橫汾自感明時起非因觸石分映霄難

辨色從吹乍成文須使留 一作
流 千載垂芳在典墳

同前

彭伉

祥輝上千呂郁郁又紛紛遠示無為化將明至道君勢凝
千里靜色向九霄分已見從龍意寧知觸石文狀煙殊散
漫捧日更氛氲自使來賓國西瞻仰瑞雲

白雲起封中

張嗣初

英英白雲起呈瑞出封中表聖寧因地逢時豈待風浮光
彌皎潔流影更冲融自叶堯年美誰云漢日同金泥光乍
掩玉檢氣潛通欲與非煙並亭亭不散空

同前

李正辭 類詩作
陳希烈

千年泰山頂雲起漢皇封不作奇峯狀寧分觸石容為霖
雖易得表聖自難逢冉冉排空上依依疊影重素光非曳
練靈旣是從龍豈學無心出東西任所從

立春日曉望三素雲

李季何貞元十一年見雜詠

靄靄青春曙飛仙駕五雲浮輪初縹緲古今共用此二字或疑韻書不收縹緲字遂改作承蓋下氤氳薄影隨風度殊容向日分羽毛紛共遠環珮杳猶聞靜合煙霞色遙將鸞鶴群年年瞻此御應許從元君

同前

陳師穆

晴曉仲疑春日高心望素雲彩光浮玉輦紫氣隱元君縹緲中天去逍遙上界分鸞驂攀不及仙吹遠難聞禮候於斯觀明循疑二字在解紛人歸懸想處霞色自氤氳

同前

李應

玄鳥初來日靈仙望處雜詠作裏分冰容朝上界玉輦擁朝雲碧落流輕豔紅霓間彩文帶煙時縹緲向斗更氤氳髣髴隨風馭迢遙出曉雲茲辰三見後希得從元君

春雲

鄧倚

搖曳自西東依林又逐風勢移青道裏影泛淥波中夕霽方明日朝陰復蔽空度關隨去馬出塞引歸鴻色任寒暄變光將遠近同為霖如見用還得助成功

同前

焦郁

漫漫天涯色乘春四望平不分殘照影何處斷鴻聲繚繞先經塞霏微近過城因風低未斂帶雨重還輕干呂知時泰如膏候歲成小儒同品物無以答皇明

同前

裴澄

漠漠復溶溶乘春任所從映林初展葉觸石未成峯旭日消寒翠晴煙點淨容霏微將似滅深淺又如重薄彩臨溪散輕雲帶雨濃空餘負樵者嶺上自相逢

山出雲

陸暢

靈山蓄雲彩紛郁出清晨望樹繁花白看峯小雪新映松
張蓋影依澗布魚鱗高似從龍處低如觸石頭濃光藏半
岫淺色類飄塵玉葉開天際遙憐占早春

同前

張復

山靜雲初吐霏微觸石新無心離碧岫有葉占青春散類
如虹氣輕同不諱塵陵空還似翼映澗欲成鱗異起臨汾
鼎疑隨出峽神為霖終濟旱非獨降賢人

同前

李紳

杳靄祥雲起飄颻翠嶺新瑩峯開石秀吐葉間松春林靜
翻空少山明度嶺頻迴崖時掩鶴幽澗或隨人姑射朝凝
雪陽臺晚伴神悠悠九霄上應坐玉京賓

同前

張勝之

片雲初出岫孤迴色難親蓋小谿山近根輕觸石新飄颻

經綠野明麗照晴春拂樹疑舒葉臨流似結鱗從龍方有
感捧日豈無因看助為霖去恩霑雨露均

南至日太史登臺書雲物

裴達

圓丘纔展禮佳氣近初分太史方新一作簪筆高臺起一作紀

彩雲天容一作和縹緲曉色共氛氲道泰資賢輔年豐荷

聖君恭惟同一作國瑞兼用察人一作文應念懷鉛客終

朝望碧霄

一作皆雜詠

同前

于尹躬

至日行時令登臺約禮文官稱伯趙氏色辨五方雲晝漏
聽初發陽光望漸分司雜韻天為歲備持簡出人群惠愛
周微物生靈荷聖君長當有嘉瑞郁郁復紛紛

華山慶雲見

聖主祠名岳高風發慶雲金柯初繚繞玉葉漸氛氲氣色

含珠日光明吐翠霏依佈來鶴態髣髴列仙群萬樹流光
影千潭寫錦文蒼生忻有望祥瑞在吾君

上黨奏慶雲見

李紳

飛龍久馭宇真氣尚興雲五色傳嘉瑞千齡表聖君從風
忽蕭索依漢更氛氲影徹天初霽光鮮日未曛表祥近自
遠垂化聚還分寧作無依者空傳陶令文

近自遠類詩作
來自遠

梢雲

羅讓類詩作
曹松

殊質資靈貺陵空發瑞雲梢梢含樹彩類詩作
樹影郁郁動霞文
不比因風起全非觸石分葉光閑泛灑枝杪靜氛氲隱見
心無宰徘徊慶自君翻飛如可託長願在橫汾

寒雲輕重色

張仲素

佳期當可許託思望雲端鱗影朝猶落繁陰暮自寒因風
方嫋嫋間石已漫漫隱映看鴻度霏微覺樹攢凝空多似

黛引素乍如紈每向愁中覽含毫欲狀難

白雲向空盡

周存類詩作
焦郁

白雲生遠岫搖曳入晴空乘化隨舒卷無心任始終欲銷

仍向日類詩作
帶日將斷或因類詩作
更因風勢薄飛難定天高色易窮影收

元氣表光滅太虛中况若從龍去一作
出還施潤物功韻詩作儻若從龍
去還施濟物功

望禁門松雪

王涯

宿雲開霽景佳氣此時濃瑞雪凝清禁祥煙羃小松依佈
鴛瓦出隱映鳳樓重金闕晴光照瓊枝瑞色封葉鋪全類
玉柯偃乍疑龍詎比寒山上風霜老昔容

都堂試貢士日慶春雪

李衢

錫瑞來風歲旌賢入貢辰輕搖梅共笑飛弱柳和春遶砌
封瓊屑依階噴玉塵蟉蟉吟更古科斗映還新鶴吹疑迷
難辨冰壺鑿易真因歌大君德率舞詠陶鈞

同前

李景

密雪分天路群才坐粉廊
靄空迷晝景臨宇借寒光
似暖花消地無聲玉滿堂
灑詞偏誤曲留硯忽因方
幾處曹風比何人謝賦長
春暉早相煦莫滯九衢芳

同前

李損之

春雪晝悠颺飄飛試士場
綴毫疑起草沾字共成章
匝地如鋪練凝階似截肪
鵝毛縈樹合柳絮帶風狂
息役方殊慶豐年已報祥
應知郢上曲高唱出東堂

望終南春雪

李子卿

山勢抱西秦初年瑞雪頻
色搖鶉野霽影落鳳城春
晶耀一作輝瓊一作銀峯逼晶明玉樹親
尚寒由氣勁不夜為光新
荆岫全凝近崑丘宛合隣
餘輝儻可借迴照讀書人

春雪映早梅

庾敬休

清晨凝雪彩新候變庭梅
樹愛春榮徧窻驚曙色催
寒光添粉壁積潤履青苔
分明六出瑞隱映幾枝開
聞笛花疑落揮琴興轉來
曲成非寡和長使思悠哉

墻陰殘雪

可頻瑜

積雪還因地墻陰夕尚殘
影添斜月白光借夕陽寒
皎潔開簾近清熒步履看
狀花飛著樹如玉不成盤
冰薄方寧及霜濃比亦難
誰憐高卧處歲暮嘆袁安

早春殘雪

裴軋餘

霽日彫瓊彩幽庭減夜寒
梅飄餘片積日墮晚光殘
零落偏依桂霏微不掩蘭
陰林披霧縠一作縠小沼破冰盤
曲檻霜凝砌踈篁玉碎竿
已聞三徑好猶可訪袁安

同前

施肩吾

春景照林巒玲瓏雪影殘
井泉添碧甃藥圃洗朱欄
雲路

迷初醒書堂映漸難花分梅嶺色塵減玉堦寒遠稱棲松
鶴高宜點露盤佇逢春律後陰谷始堪看

春雨如膏

喻鳧

幕幕斂輕塵濛濛濕野春細光添柳重幽點濺花勻慘淡
游絲景陰沉落絮辰迴低飛蝶翅寒滴語禽身洒岳摧餘
雪吹江疊遠蘋東城與西南一作陌晴後趣何新

清露被皋蘭

孫顧

九皋蘭葉茂八月露花清稍與秋陰合還將曉色并向空
羅細影臨水泣微明的皪添幽興芊綿動遠情夕芳人未
採初降鶴先驚為感生成惠心同葵藿傾

宿煙含白露

析析有新意微微曙色幽露含疎月靜光與曉煙浮迴野
遙凝素空林望已秋著霜寒未結凝葉滴還流比玉偏清

絜如珠詎可收徘徊阡陌上瞻想但淹留

風草不留霜

王景中

繁霜當永夜寒草正驚風飄素衰蘋末流光晚蕙叢悠揚
方泛影皎絜却飛空不定離披際難凝翳蒼中低昂閑散
質肅殺想成功獨感玄輝詠依依此夕同

白露為霜

顏粲

悲秋將歲晚繁露已成霜徧渚蘆先白露籬菊自黃應鍾
鳴遠寺擁鴈度三湘氣逼襦衣薄寒侵宵夢長滿庭添月
淨拂水斂荷香獨念蓬門下窮年在一方

同前

徐敞

早寒青女至零露結為霜入夜飛清景陵晨積素光駟星
初暫暫葭莢復蒼蒼色冒沙灘白威加木葉黃鮮輝襲紈
扇殺氣掩干將葛履那堪履徒令君子傷

薦冰

鮑溶

西陸宜先啓春寒寢廟清曆官分氣候天子薦精誠已辨
瑤池色如和玉佩鳴禮餘神轉肅曙後月殘明雅合冰容
潔非同雪體輕空憐一掬水珍重此時情

同前

趙蕃

仲月開凌室齊心感聖情寒姿分玉坐皓質發丹楹積素因
風壯虛空向日明遙涵窓戶冷近映冕旒清在掌光逾澈
當軒質自輕良辰方可致由此表精誠

同前

盧鈞

薦冰朝日後闢廟曉光清不改晶瑩質能彰雨露情且無
霜比耀豈與水均明在捧搖寒色當呈表素誠凝姿陳俎
豆浮彩映葱珩皎皎盤盂側稜嚴氣生

同前

范傳質

乘春方啓閉羞獻有常程潔朗寒光徹輝華素彩明色凝
霜雪靜影照冕旒清肅肅將崇禮兢兢示捧盈方圓陳玉
座小大表精誠朝覲當西陸桃弧每共行

同前

陳至

凌寒開固冱寢廟致精誠色靜澄三酒光寒肅兩盈形鹽
非近進玉豆爲潛英禮自春分展堅從北陸成藉茅心共
結出鑑水慙明幸得來觀薦靈臺一小生

府試水始冰

馬戴

南池寒色動北陸歲陰生薄薄流漸聚灘灘翠激平暗霑
霜稍厚迴照日還輕乳竇懸殘滴湘流減恨聲即堪金井
貯會映玉壺清潔白心誰識空期飲此明

灘灘集作微

履春冰

張蕭遠

一步一愁新輕輕恐陷人薄光全透日殘色半消春蟬想

行時翼魚驚踏處鱗底虛難動足岸闊怯迴身豈暇躊躕
久寧容顧眄頻願將矜慎意從此越通津

同前

舒元興

投跡清冰上凝光動早春兢兢愁陷履步步怯移身烏照
微生水狐聽或過人細遷形外影輕躍鏡中輪咫尺憂偏
遠危疑懼已頻願堅容足分莫使獨驚神

觀藏冰

張彙征

寒氣方窮律陰津正結冰體堅風帶壯影素月臨凝冬賦
凌人掌春期命婦昇鑿來壺色澈納處鏡光澄魯史曾流
問函詩舊見稱同觀里社享王道頌還興

文苑英華卷第一百八十二

登仕郎胡

柯

鄉貢進士彭

叔夏

校正

文苑英華卷第一百八十三

詩三十三

省試四州府試附

風光草際浮五首

春風扇微和九首

風不鳴條六首

景風扇物一首

清風戒寒二首

冬至日祥風應候一首

八風從律一首

春風扇微和一首

河出榮光二首

洛出書四首

秋霽望廬山瀑布一首

涇渭揚清濁一首

春水綠波一首

四水合流一首

海水不揚波一首

空水共澄鮮一首

曲池絮寒流一首

寒流聚細文一首

奉詔漲曲江池一首

昆明池石織女一首

濟川用舟楫一首

天際識孤舟一首

風光草際浮

裴杞

澹蕩和風至芊綿碧草長徐吹遙撲翠半偃乍孚光葉似
翻宵露藜凝扇夕陽逶迤明曲渚照耀滿迴塘白芷生還
暮崇蘭泛更香誰知攬結處含思向餘芳

同前

張復元

纖纖春草長遲日度風光
霍靡含新彩霏微籠遠芳
殊姿媚原野佳色滿池塘
窠入垂清露偏宜帶艷陽
淺深浮嫩綠輕麗拂餘香
好助鸞遷勢乘時冀便翔

同前

陳瑾

春風泛瑤草九日遍神州
已向花間積還來葉上浮
曉光綠圃麗芳氣滿街流
澹蕩依朱萼颺颺帶玉溝
向空看轉媚臨水見彌幽
况被崇蘭色王孫正可遊

同前

吳祕

草色春沙裏風光曉正幽
輕明遙不散郁豈麗仍浮
吹緩苗難轉暉閑葉本柔
碧疑煙彩入紅是日華流
耐可披襟對誰應滿掬收
恭聞掇芳客爲此尚淹留

同前

陳祐

秀發王孫草春生君子風
光搖低偃處影散艷陽中
稍稍移蘋末微微轉蕙蕞
浮煙傾綠野遠色澹晴空
泛彩池塘媚含芳景氣融
清暉誰不揖幾許賞心同

春風扇微和

陳九流

喜見陽和至遙知橐籥功
遲遲散南陌裊裊逐東風
暗入芳畦一作園裏潛吹草木中
蘭蓀纔有綠桃杏未成紅
已覺寒光盡還看淑氣通
由來榮與悴今日發應同

同前

張彙

木德生和氣微微入曙風
暗催南向葉漸翦北歸鴻
澹蕩

侵冰谷悠揚轉蕙蓂拂塵迴廣路泛瀨過遙空暖上煙光
際雲移律候中扶搖如可借從此戾蒼穹

同前

范傳正

曖曖當遲日微微扇好風吹搖新葉上光動淺花中澹蕩
凝清晝氤氳曖碧空稍看生綠水已覺散芳藂徒倚情偏
適徘徊賞未窮妍華不可狀竟夕氣融融

同前

陳通方

習習和一作候風扇悠悠淑氣微陽升知候改律應喜春歸
池柳晴初拆林鶯暖欲飛川原浮彩翠臺館動光輝泛豔
搖丹闕揚芳入粉闈發生當有分枯朽幸因依

同前

柳道倫

青陽初入律淑氣應春風始辨梅花裏俄分柳色中依微
開夕一作曉照澹蕩媚晴空拂水生蘋末經巖觸桂藂稍抽

蘭葉紫微吐杏花紅願逐仁風布將禪生植功

同前

崔立之

時令忽已變年光俄又春高低惠風入遠近芳氣新靡靡
纔偃草冷冷不動塵溫和乍扇物煦嫗偏感人去出桂林
漫來過蕙圃頻晨輝正澹蕩披拂長相親

同前

郭遵

微風飄淑氣散漫及茲晨習習何處至熙熙與春親曖空
看早辨映日度逾頻高拂非煙雜低隨衆卉新霽天輕有
靄綺陌盡無塵還似登臺意元和欲煦人

同前

豆盧榮

春晴生縹緲軟吹和初遍池影動齋淪山容發葱蒨遲遲
入綺閣習習流芳甸樹杪颺鶯啼塔前落花片韶光恐閑
放旭日宜遊晏文客拂塵衣仁風願迴扇

同前

微風扇和氣韶景共芳晨如見郊原綠旋過御苑春三條
開廣陌八水汎通津煙動花間葉香流馬上人逶迤雲彩
曙嘹唳鳥聲頻為報東堂客明朝桂樹新

邵偃

風不鳴條

盧肇

習習和風至過條不自鳴暗通青律起集作遠傍白蘋生

拂樹花仍落經林鳥自一作驚幾牽蘿蔓動潛惹柳絲輕

入谷迷松響一作幽澗開一作窻失竹聲薰絃方在御萬

國仰皇情

同前

姚鵠

吾君理化清上瑞報時平曉吹何曾息柔條自不鳴花香
知暗度柳動覺潛生只見低垂勢那聞擊觸聲大王初溥
暢少女正輕盈幸遇無私力幽芳願發榮

同前

黃頰

五緯類詩作起祥飈無聲瑞聖朝稍開含露蕊類詩作纔轉惹煙

條密葉應潛變類詩作低枝幾暗搖林間鴛欲轉花下蝶微飄初

滿綠堤草因生逐水苗太平無一事天外奏虞韶類詩作

同前

左牢

旭日懸清景微風在綠條入松聲不發過柳影空搖長養應潛變一作扶

踈每暗飄有林時嫋嫋無樹漸蕭蕭類詩作誤逐類詩作青煙散輕和樹色

類詩作饒豐年知有待歌詠美唐堯

同前

王甚夷

聖日祥風起韶暉助發生蒙蒙遙野色裊裊細條輕荏弱
看潛動怡和吹不鳴枝含餘露濕林霽晚煙平縹緲春光
媚悠揚景氣晴康哉帝堯代寰宇共澄清

同前

金厚載

寂寂曙風生遲遲散野輕露華搖有滴林葉裊無聲暗剪
藜芳發空傳谷鳥鳴悠揚韶景靜淡蕩霽煙橫遠水波瀾
息荒郊草樹榮吾君垂至化萬類共澄清

景風扇物

張聿

何處青蘋未呈祥起遠空曉來搖草樹輕度淨塵蒙類詩作輕去動溟濛
水上微波動林前媚景通寥天鳴萬籟蘭徑長幽藜漸颺
搏扶勢應從橐籥中類詩作籥功開襟若有日願覩大王風

清風戒寒

蕭颯清風至悠然發思端入林翻別葉繞樹敗紅蘭曉拂
輕霜度宵分遠籟攢稍依簾隙靜遍覺座隅寒乍逐驚蓬
振偏催急漏殘遙知洞庭水此夕起波瀾

同前

穆寂

風清物候殘蕭灑報將寒掃得天衢靜吹來眼界寬條鳴

方有異蟲思亂無端就樹收鮮膩衝池起澁瀾過山嵐可
掬度月色宜看華實從茲始何嗟歲序殫

冬至日祥風應候

前人 見雜詠

節逢清景空占氣二儀中獨喜登臺日先知應候風呈祥
光舜化表慶感堯聰一作與乘時叶還將入律同微微
萬井遍習習九門通更繞爐煙起殷勤報歲功

八風從律

蔣防

製律窺元化因聲感八風遠從萬籟起更與五音同習習
爐烟類詩作蘆灰上冷玉管中氣隨時物好響徹霽天空自得陰
陽順能令惠澤通願吹寒谷裏從此達前蒙

春風扇微和

公乘億 咸通

麗日催遲景和風扇早春暖浮丹鳳闕韶媚黑籠律澹蕩
迎仙仗霏微送畫輪綠搖宮柳散紅待禁花新舞席潛迴

雪歌筵暗起塵幸當陽候律一願及佳辰

河出榮光

張良器

引派崑山峻朝宗海路長千齡逢聖主五色瑞榮光隱映
浮中國晶明助太陽坤維連浩漫天漢接微茫丹闕清氛
裏函關紫氣旁位尊常守伯道恭每呈祥習坎靈逾久居
卑德有常龍門如可涉忠信是舟梁

同前

符命自陶唐吾君應會昌千年清德水九折滿榮光極岸
浮佳氣微波照夕陽澄輝明具闕散彩入龍堂近帶關雲
紫遙連日道黃馮夷矜海若漢武貴宣房漸沒孤槎影仍
呈一葦杭撫躬悲未濟作頌喜時康

洛出書

蕭昕

海內昔凋瘵天網斯淳溥龜靈啓聖圖此焉負書出大哉

明德盛遠矣彝倫秩地敷作乂功人免爲魚恤旣彰千國
理豈止百川溢永賴至于今疇庸未云畢

同前

郭邕

德合天旣呈龍飛聖人作先宅被寰區圖書薦河洛象登
四氣順文闢九疇錯氤氳瑞彩浮左右靈儀廓微造功不
宰神行利攸博一見皇家慶方知禹功薄

同前

張欽敬

浮空九洛水瑞聖千年質竒象八卦分圖書九疇出含微
卜筮遠抱數陰陽密中得天地心傍探鬼神吉昔聞夏禹
代今獻唐堯日謬此叙彝倫寰宇賀清謚

同前

叔孫玄觀

清洛含溫溜玄龜薦寶書波開綠字出瑞應紫宸居物著
羣靈首文成列卦初美珍翔閣鳳慶邁躍舟魚俾姒惟何

遠休皇復在諸東都主人意歌頌望乘輿

秋霽望廬山瀑布

夏侯楚

常思瀑布幽晴眺喜逢秋一帶連青嶂千尋倒碧流濕雲應悟鶴翻浪定驚鷗星浦虹初下爐峯煙未收巖高時裹裹天淨起悠悠儻見朝宗日還須濟巨舟

涇渭揚清濁

呂牧

涇渭橫秦野逶迤近帝城二渠通作潤萬戶映皆清明晦看殊色潺湲聽一聲岸虛深草掩波動曉煙輕御獵思投釣漁歌好濯纓合流知禹力同共到滄瀛

春水淥波

朱休

芳時淑氣和春水澹煙波滉漾滋蘭杜淪漣長芰荷晚光扶翠歛潭影瀉清莎歸鴈追飛盡纖鱗游泳多朝宗終到海潤下每盈科願假中流便從茲發棹歌

四水合流

李沛

禹鑿山川地因通四水流縈迴過鳳闕會合出皇州天影長波裏寒聲占疑渡頭入河無晝夜歸海有謙柔順物宜投石逢時可載舟羨魚猶未已臨水欲垂鈎

海水不揚波

明朝崇大道寰海免波揚既合千年聖能安百谷王天心隨澤廣水德共靈長不撓魚彌樂無瀾葦可杭化流霑率土恩寢及殊方豈只朝宗國唯聞有越裳

空水共澄鮮

悠然四望通渺渺水無窮海鶴飛天際煙林出鏡中雲霄澄遍碧霞起澹微紅落日浮光滿遙山翠色同樵聲喧竹嶼棹唱入蓮蓼遠客舟中興煩襟暫一空

曲池絮寒流

崔立之

閑尋歌岸步因向曲池看透底河澄澈迴流乍屈盤稍隨
高樹古迴與遠天寒月入鏡華轉星臨珠影攢纖鱗時蔽
石轉吹或生瀾願假涓微效來濡拙筆端

寒流聚細文

曉野方閑眺橫溪賞亂流寒文趨浦急圓折遂煙浮不謂
飄踈雨非關浴遠鷗觀魚鱗共細間石影疑稠獵獵風冷
夕潺潺瀨響秋仙槎如共泛天漢適淹留

奉詔集作漲曲江池

鄭谷 乳符丙申歲春

王澤尚通津恩波此日新深疑一夜雨遠集作宛集作似五湖春
泛濫翹振鷺澄清躍紫鱗翠低孤集作葉嶼柳香失半汀蘋
鳳輦尋佳境龍舟命近臣桂華如入手願作從遊人

昆明池石織女

童翰卿 又云司馬復

一片昆池石千秋織女名象星河皎皎依水更盈盈苔作輕

裾色波為促杼聲岸雲連鬢濕沙月對眉生有臉蓮同笑
無心鳥不驚還如朝鏡裏形影兩分明

濟川用舟楫

胡權

渺渺水連天歸程想幾年孤舟辭曲岸輕楫濟長川迴指
波濤雪迴瞻島嶼煙心迷滄海上目斷白雲邊泛濫雖無
定維持且自專還如聖明代理國用英賢

天際識孤一作舟

薛能

斜日滿江樓天涯照背流同人在何處遠目認孤舟帆省
當時席歌聞舊日謳人浮津濟晚棹泛沈寥秋晴閣欣全
見歸遲恠久遊離居意無限貪此望難休

文苑英華卷第一百八十三

登仕郎胡 柯 鄉貢進士彭 叔夏 校正

文苑英華卷第一百八十四

詩三十四

省試五 州府試附

釋奠日國學觀禮聞雅頌二首

貢舉人謁先師聞雅樂二首 太常寺觀舞聖壽樂一首

冊上公太常奏雅樂一首 曉過南宮聞太常清樂二首

太常觀閱驃國新樂一首 郊壇聽雅樂一首

舞干羽兩階一首 朱絲絃一首

夫子鼓琴得其人一首 夜聞洛濱吹笙一首

緱山月夜聞王子晉吹笙二首 湘靈鼓瑟五首

霓裳羽衣曲一首 寒夜聞霜鍾二首

曉聞長樂鍾聲一首 聽霜鍾二首

律中應鍾一首 笙磬同音一首

范成君擊洞陰磬一首 終南精舍月中聞磬二首

泗濱得石磬一首

風箏一首

聽郢客歌陽春白雪一首

尚書郎上直聞春漏三首

雪後觀象闕待漏一首

太清宮聞滴漏一首

百官乘月早朝聽殘漏一首

春臺晴望三首

釋奠日國學觀禮聞雅頌

滕珣

太學時觀禮東方曉色分威儀何棣棣環珮又紛紛古樂
從空盡清歌幾處聞六和成遠吹九奏動行雲聖上尊儒樂
春秋莫茂勲幸因陪齒列聊以頌斯文

同前

令狐岍

肅肅先師廟依依胄子羣滿庭陳舊禮開戶拜清芬萬舞
當華燭蕭韶入翠雲頌歌侵曉聽雅吹度風聞澹泊調元
氣中和美聖君唯餘東魯客蹈舞向南薰

貢舉人謁先師聞雅樂

呂昉

禮聖來羣彥觀光在此時聞歌音乍遠合樂和還遲調朗
能偕竹聲微又契絲輕冷流篋篋繚繞動纓綫九變將隨
節三終必盡儀國風由是正王化自雍熙

同前

王起

藹藹觀光士來同鵠鷺羣鞠躬遺像在稽首雅歌聞度曲
飄清漢餘音過曉雲兩楹淒已合九仞杳難分斷續同清
吹洪纖入紫氛長言聽已罷千載仰斯文

太常寺觀舞聖壽樂

徐元弼

舞字傳新慶人文邁舊章沖融和氣洽悠遠聖功長盛德
流無外明時樂未央日華增顧盼風物助低昂翥鳳方齊
首高鴻忽斷行雲門與茲曲同是奉陶唐

冊上公太常奏雅樂

司樂陳金石逶迤引上公奏音人語絕清韻珮聲通應律

煙雲改未儀鳥獸同得賢因舉頌脩禮便觀風聖壽三稱
內天歡九奏中寂寥高曲盡猶自滿宸聰

曉過南宮聞太常清樂

陸贄

南宮聞古樂拂曙聽初驚煙靄遙迷處絲桐暗辨名節隨
新律改聲帶緒風輕合雅將移谷同和自感情遠音兼曉
漏餘響過春城九奏明初日寥寥天地清

同前

張濛

玉珂經禮寺金奏過南宮雅調乘清曉飛聲向遠空慢隨
飄去雪輕逐度來風迴出重城裏傍聞九陌中應將四夏
比更與五英同一聽南薰曲因知大舜功

太常觀閱驃國新樂

胡直鈞

異音來驃國初被奉常人纔可宮商辨殊驚節奏新轉規
迴繡面曲折度文身舒散隨鸞吹喧呼雜鳥春襟任懷舊

識絲竹變恒陳何事留中夏長令表化淳

郊壇聽雅樂

泰壇恭祀事彩仗下寒坳展禮陳嘉樂齊心動衆靈韻長
飄更遠曲度靜宜聽泛響何清越隨風散杳冥微懸和氣
聚旋退曉山青本自鈞天降還疑列洞庭

舞千羽兩階

石倚

千羽能柔遠前階舞正陳欲稱文德盛先表樂聲新肅肅
行初列森森氣益振動容和律呂變曲靜風塵化美超千
古恩波及七旬已知天下服不獨有苗人

朱絲絃

楊衡

寂寞瑤琴上深知直者情幸傳朱鷺曲那止素絲名瑞草
人空仰王言世久行大方聞正位樂府動清聲文武音初
合宮商調屢更誰能向機杼終日泣無成

夫子鼓琴得其人

白行簡

宣父窮玄奧師襄授素琴稍殊流水引全辨聖人心慕德
聲逾感懷人意自深泠泠傳妙手槭槭振空林促調清風
至操絃白日沉曲終情不盡千古仰知音

夜聞洛濱吹笙

張仲素

王子千年後笙音五夜聞逶迤繞清洛斷續下仙雲泄泄
飄難定啾啾曲未分松風助幽律波月動輕文鳳管聽何
遠鸞聲若在羣暗空思羽蓋餘氣自氤氳

緱山月夜聞王子晉吹笙

厲玄

緱山明月夜岑寂隔塵氛紫府參差曲清宵次第聞韻流
多入洞聲度半和雲拂竹鸞驚侶經松鶴舞羣蟾光聽處
合仙路望中分坐惜千岳曙遺音過汝墳

同前

鍾輅

月滿緱山夜風傳子晉笙初聞盈谷遠漸聽入雲清杳異
人間曲遙分鶴上情孤鸞驚欲舞萬籟寂無聲此夕留烟
駕何時返玉京唯愁音響絕曉色出都城

湘靈鼓瑟

魏瓘

瑤琴多哀怨朱絃且莫聽遍舟三楚客藜竹二妃靈浙瀝
聞餘響依稀欲辨形柱間寒水碧曲裏暮山青良馬悲銜
草遊魚思繞萍知音若相遇終不滯南溟

同前

錢起 天寶十載

善撫一作雲和瑟常聞帝子靈馮夷空自舞楚客不堪聽

逸韻諧一作調一作淒一作苦金石清音發一作杳冥蒼悟來一作怨慕

白芷動芳馨流水傳湘浦悲風過洞庭曲終人不見江上
數峯青

一作皆集本

同前

陳季

神女泛瑤瑟古祠嚴野亭楚雲來決瀟湘水助清冷妙指
微幽契繁聲入杳冥一彈新月針一作白數曲暮山青調苦
荆人怨時遙帝子靈遺音如可賞試奏爲君聽

同前

莊若訥

帝子鳴金瑟餘聲自抑揚悲風絲上斷流水曲中長出沒
遊魚聽透迤彩鳳翔微音時扣徵雅韻乍含商神理誠難
測幽情詎可量至今聞古調應恨滯三湘

同前

王邕

寶瑟和琴韻靈妃應樂章依倚聞促柱騷騷夢新粧波外
聲初發風前曲正長淒清和萬籟斷續繞三湘轉覺雲山
迴空懷杜若芳誰能傳此意雅會在宮商

霓裳羽衣曲

李肱

開元太平時萬國賀豐歲梨園獻

文粹作賦

舊曲玉座流新製

鳳管遞參差霞衣競搖曳宴罷水殿空輦餘春草細蓬壺
事已久仙樂功無替誰文粹作誰肯聽遺音聖明知善繼

寒夜聞霜鍾

鄭網

霜鍾初應律寂寂出重林拂水宜清聽凌空散迴音春容
時未歇搖曳夜方深月下和虛籟風前聞疑作遠砧淨兼
寒漏徹閑畏曙更侵遙想千山外泠泠何處尋

同前

盧景亮

洪鍾發長夜清響出層岑暗入繁霜切遙傳古木深何城
亂遠漏幾處雜踈砧已警離人夢仍知旅客襟待時當命
侶抱器本無心儻若無知者誰能設此音

曉聞長樂鍾聲

戴叔倫

漢苑鍾聲早秦郊曙色分霜凌萬戶徹風散一城聞已啓
蓬萊殿初朝鴛鴦羣虛心方應物大扣欲千雲近雜鷄入

唱新傳亮氏文能令翰苑客流聽思氛氲

聽霜鍾

渺渺飛霜夜寥寥遠岫鍾出雲疑斷續入戶乍春容度枕
頻驚夢隨風幾韻松悠揚來不已杳靄去何從髣髴煙嵐
隔依佈巖嶠重此時聊一聽餘響繞千峯

同前

寥亮來豐嶺分明辨古鍾應霜如自擊中節每相從靜聽
非閑扣潛應蘊聖蹤風間時斷續雲外更春容虛警和清
籟雄鳴隔亂峯因知之一作諭知己者感激更難逢

律中應鍾

裴元

律窮方數寸室暗在三重伶管仄先動秦正節已逢商聲
辭玉笛羽調入金鍾密葉翻霜彩輕冰斂水容望鴻南去
絕迎氣北來濃願託無凋性寒林自比松

笙磬同音

笙磬聞何處淒鏘宛在東激揚音自徹高下曲宜同歷歷
俱盈耳泠泠逸散空獸因繁奏舞人感至和通詎間洪纖
韻能齊搏拊功四懸今盡美一聽辨移風

范成君擊洞陰磬

范傳正

歷歷聞金奏微微下玉京為祥家諫久偏識洞陰名澹佇
人間聽鏗鏘古曲成何須百獸舞自暢九天情注目看無
見留心記未精雲霄如可託借鶴向層城

終南精舍月中聞磬

呂溫

月中峯一作禪室掩幽徑磬淨昏氛思入空門妙聲從覺
路聞泠泠流衆一作壑杳杳出重寒雲天籟疑難辨霜
鍾詎可分偶來依一作法界便欲謝人羣竟夕聽真響荷

花積露文一作解紛

一作皆集本

同前

獨孤申叔

精廬慙疑夜景天宇滅埃氛幽磬此時擊餘音幾處聞隨
風樹杪去支策月中分斷絕如殘漏淒清不隔雲羈人方罷
夢獨鴈忽迷羣響盡河漢落千山空糾紛

泗濱得石磬

李勳

浮磬潛清深依依呈碧潄出水見貞質在懸含玉音對此
喜還歎幾秋還到今器古契良覲韻和諧宿心何為值明
鑒適得離幽沉自茲入清廟無復泥沙侵

風箏

鮑溶

何響與天通瑤箏挂望中彩絃非觸指錦調忽聞風鴈柱
虛連勢鸞歌且墜空夜和霜擊磬晴引鳳歸桐幽咽誰生
怨清冷自匪躬秦姬收寶匣搔首不成功

聽郢客歌陽春白雪

歐陽衮

寂聽郢中人高歌已絕倫臨風飄白雪向日奏陽春調雅
偏盈耳聲長杳入神連連貫珠並裊裊過雲頻度曲知難
和凝情想任真周郎如賞善莫使滯芳晨

尚書郎上直聞春漏

張少博

建禮含香處重城待漏辰徐聲傳鳳闕曉唱辨雞人銀箭
聽將盡銅壺滴更新催籌當五夜移刻及三春杳杳從天
遠泠泠出禁頻直廬殘響曙肅穆對鈞陳

同前

周徹

建禮通華省含香直紫宸靜聞銅史漏暗識桂宮春滴瀝
疑將絕清泠發更新寒聲臨鴈沼踈韻應雞人迴入千門
徹行催五夜頻高臺閑自聽非是駐征輪

同前

地即尚書省人惟鴛鴦行審時傳玉漏直夜遞星郎歷歷

聞仙暑泠泠出建章自空來斷續隨穴散淒鏘物靜知聲
近寒輕覺夜長聽餘殘月落曙色滿東方

雪後觀象闕待漏

張少博

殘雪初晴後鳴珂奉闕庭九門傳曉漏五夜候晨高北斗
橫斜漢東方落曙星烟氛初動色簪珮未分形雪重猶垂
白山遙不辨青雞人更唱處偏入此時聽

太清宮聞滴漏

嚴巨川

玉漏移中禁齊車入太清漸知催辨色復聽續餘聲乍逐
微風轉時因雜珮輕青樓人罷夢紫陌騎將行殘魄棲初
盡餘寒滴更生慙非朝謁客空有振衣情

百官乘月早朝聽殘漏

莫宣卿

建禮儼朝冠重門耿夜闌碧空蟾魄度清禁漏聲殘候曉
車輿合凌霜劔珮寒星河猶皎皎銀箭尚珊珊杳靄祥光

起霏微瑞氣攢忻逢聖明代長願接鴛鸞

春臺晴望

李程

曲臺送春日景物麗新晴靄靄煙收翠忻忻木向荣靜看
遲日上閑愛野雲平風慢遊絲轉天開遠水明登高塵慮
息觀徼道心清更有遷喬意翩翩出谷鶯

同前

鄭黃

追賞層臺迴登臨四望頓熙熙山雨霽處處柳條新草長
秦城夕花宜漢苑春晴林翻度鳥紫陌閱行人旅客風塵
厭山家夢寐親遷鶯思出谷騫翥待芳辰

同前

喬弁

層臺聊一望遍賞帝城春風暖聞啼鳥冰開見躍鱗晴山
煙外翠香蘂日邊新已變青門柳初銷紫陌塵金湯千里
國車騎萬方人此處雲霄近憑高願致身

文苑英華卷第一百八十四

登仕郎胡柯 鄉貢進士彭叔夏 校正

文苑英華卷第一百八十五

詩三十五

省試六 州府試附

驪龍一首

劍化為龍一首

龜負圖二首

魚上冰三首

臨川羨魚二首

河鯉登龍門二首

鮫人潛織一首

歸馬華山一首

西戎獻馬一首

天驥呈才三首

勅賜三相馬一首

騏驎長鳴二首

儀鳳一首

緱山鶴一首

織鳥一首

鶴警露一首

鶴鳴九臯一首

齊優開籠飛去所獻楚王鵠一首

黃鵠下太液池一首

越裳獻白翟二首

鷲出谷四首

柳陌聽早鷲一首

禁林聞曉鷲一首

鳥散餘花落三首

空梁落鷲泥一首

好鳥鳴高枝一首

振振鷲一首

飛鴻響遠音一首

出籠鷲一首

霜隼下晴臯一首

反舌無聲一首

雪後聽猿吟一首

寒蟬樹一首

驪龍

有美為鱗族潛蟠得所從標奇初韞寶表智即稱龍大壑
長千里深泉固九重奮翮雲乍起矯首浪還衝荀氏傳高
譽莊生冀絕蹤仍知流淚在何幸此相逢

劍化為龍

古劍誠難屈精明有所從沉埋方出獄合會却成龍牛斗

寃初歇蜿蜒氣漸濃雲濤透百丈水府躍千重拖尾迷蓮
鐔張鱗露錦容至今沙岸下誰得覩玄蹤

龜負圖

同前

魚上水

王季則

北陸收寒盡東風解凍初冰消通淺溜氣變躍潛魚應節
似知化揚鬚任所如浮沉非樂藻沿沂異傳書結網時空

久臨川意有餘為龍將可望今日愧才虛

同前

春生寒氣滅

類詩作氣滅

稍動伏泉魚乍喜東風至來觀曲浦初近冰

類詩作

朱鬣見望日錦鱗舒漸覺流漸退還忻掉尾餘唼喙情

自樂沿泳意寧踈儻得隨鯢化終聽戾太虛

類詩作終能戾太虛

同前

吳冕

春水潛鱗發寒潭舊藻踈揚鬚順氣後振鬣上冰初戲廣
憐空絮浮清媚景虛戒貪還避餌思達每懷書濕映流漸
薄旺遊觸浪餘終希泮渙澤為化北溟魚

臨川羨魚

張正元

有客百愁侵求魚正在今廣川何渺漫高岸幾登臨風水
寧相阻煙霞豈憚深不應同逐鹿詎肯比從禽結網非無
力忘筌自有心永存芳餌在佇立思沉沉

同前

薛少殷

曾是歸家客今年且未旋遊鱗方有待織網豈能指向水
煙波夕吟風歲月遷莓苔生古岸葭莢變清川不逐滄浪
叟還宗內外篇良辰難自擲此日願忘筌

河鯉登龍門

年久還求變今來有所從得名當是鯉無點可成龍備歷
艱難遍因期造化容泥沙寧不阻鈎餌莫相逢擊浪因成
勢織鱗莫繼蹤若令搖尾去雨露此時濃

同前

集本作魚登龍門

元稹

魚貫終何益龍門在苦登有時常集作成當作雨無用耻為鵬
激浪誠難泝雄心庶亦集作亦自憑風雷潛會合鬚鬣忽騰陵
泥滓辭河濁煙霄見海澄迴瞻順流輩誰敢望同昇

鮫人潛織

康翊仁

珠館馮夷室靈鮫信所潛幽閑雲碧牖澗澆水精簾機動
龍梭躍絲綵藕絳添七襄牛女恨三日大人嫌古樂府焦仲卿妻詩
三日斷五匹透手擊吳練凝冰笑越縑無因聽札札空想
濯纖纖

歸馬華山

白行簡

牧野功成後周王戰馬閑驅馳休伏阜飲齧任依山逐日
朝仍去隨風暮自還水生疑隴坂葉落似榆關躩躩仙峰
下騰驤渭水灣幸逢時偃武不復鼓鞞間

西戎獻馬

周存

天馬從東道皇威被遠戎來參八駿列不假貳師功影別
流沙路嘶流上苑風望雲時蹠足向月每爭雄稟異才難
狀標竒志豈同驅馳如見許千里一朝通

天驥呈材

徐仁嗣

至德符天道龍媒應聖明追風竒質異噴玉彩毛輕躩躩
形難狀連拳勢乍呈効材矜逸態絕影表殊名岐路寧辭
遠關山豈憚行鹽車雖不駕今日亦長鳴

同前

盧征

異產應堯年龍媒順制牽權竒初得地躩躩欲行天詎假
調金埒寧須動玉鞭嘶風深有戀逐日定無前周滿誇常
馭燕昭恨不傳應知流赭汗來自海西偏

同前

鄭蕢

毛骨合天經拳竒步驟輕曾邀于闐駕新出貳師營噴勒
金鈴響追風汗血生酒停留去跡吳坂認嘶聲力可通衢
試材堪聖代呈王良如願盼垂耳欲長鳴

勅賜三相馬

張隨

上苑驊騮出中宮詔命傳九天班錫禮三相代勞年顧主

聲猶發追風力正全鳴珂龍闕下噴玉鳳池前四足疑雲
滅雙瞳比鏡懸為因能致遠今日表求賢

騏驥長鳴

章孝標

有馬骨堪驚無人眼暫明力疲吳坂峻嘶苦朔風生逐逐
懷良御蕭蕭顧樂鳴瑤池期弄影天路欲飛聲皎月誰知
種浮雲莫問程鹽車終願脫千里為君子

欲飛聲

欲集作擬

同前

陳去疾

騏驥忻知己嘶鳴忽異常積悲攄怨抑一舉徹穹蒼迹類
三年鳥心馳五達莊何言從蹇躓今日遂騰驤牛阜休維
繫天衢恣陸梁向非逢伯樂誰足見其長

儀鳳

楊嗣復

八方該帝澤威鳳忽來賓向日朱光動迎風翠羽新低昂
多異趣飲啄迴無隣郊藪今翔集河圖意等倫聞韶知鼓

舞偶聖願逡巡比屋初同俗垂恩擊壤人

緱山鶴

張仲素

羽客騫仙鶴將飛駐碧山映松殘雪在度嶺片雲還清唳
因風遠高姿間水類詩作對水閑笙歌應天類詩作憶天上城郭嘆人間
幾變霜毛潔方殊藻質斑蓬瀛如可到逸翮詎能拳

織鳥

張何

季春三月裏戴勝下桑來映日華冠動迎風繡羽開候驚
蠶事晚織向女工裁旅宿依花定輕飛遶樹迴欲過高閣
柳更拂小庭梅所寄一枝分寧憂弋者猜

鶴警露

陳季

南國商飈動東臯野鶴鳴溪松寒暫宿露草滴還驚欲有
高飛意空聞召侶情風間傳藻質月下引清聲未假搏扶
勢焉知羽翼輕吾君開太液願得應皇明

鶴鳴九臯

李白

胎化呈仙質長鳴在九臯排空散清唳映日委霜毛萬里
思寥廓千山望鬱陶香凝光不見風積韻彌高鳳侶攀何
及雞群思忽勞昇天如有應飛舞出蓬蒿

齊優開籠飛去所獻楚王鵠

崔樞

受命籠齊鵠交歡獻楚王惠心先巧辯戢羽見迴翔意適
清風遠憂除白日長度雲搖舊影過樹閱新芳直取名翻
重寧唯好不傷誰言滑稽理千載戒禽荒

黃鵠下太液池

賈島集無

高飛空外鵠下向禁中池岸印行蹤淺波搖立影危來從
千里島舞拂萬年枝踉蹌孤風起徘徊水沫移幽音清露
滴野性白雲隨太液無彈射靈禽翅不垂

越裳獻白翟

王若愚

素翟宛昭彰遙遙自越裳冰晴朝映日玉羽夜含霜歲月
三年遠山川九譯長來從碧海路入見白雲鄉作瑞興周
后登歌美漢皇朝天資孝理惠化且無疆

同前

孫昌胤

聖哲符休運伊臯列上台覃恩丹徼遠入貢素輦來北闕
欣初見南枝顧未迴斂空殘雪淨矯翼片雲開馴擾將無
懼翻飛幸莫猜甘從上苑裏飲啄自徘徊

鷺出谷

錢可復

玉律陽和變時禽羽翮新載飛初出谷一轉已驚人拂柳
宜煙暖衝花覺路春搏風翻翰疾向日弄吭頻求友心何
切遷喬幸有因華林高玉樹棲託及芳晨

同前

張鷟

弱質隨儔匹遷鶯正及春乘風音響遠映日羽毛新已得

辭幽谷還將脫俗塵
鴛鴦方可慕
鸞雀迴無鄰
遊止知難
屈翻飛在此伸
一枝如借便
終冀託深仁

同前

劉莊物

幸因辭舊谷從此及芳晨
欲語如調舌一作初飛似畏人
風調歸影便日暖吐聲頻
翔集知無阻
聯綿貴有因
喜遷喬木近寧厭對花新
堪念微禽意
關關也愛春

同前

劉得仁

東風潛啓物動息意皆新
此鳥從幽谷依林報早春
出寒雖未久振羽漸能頻
稍類冲天鶴多隨折桂人
樽前喧有語花裏盡藏身
向若一作若在穠華處餘禽不可親

喧集作

柳陌聽早鶯

陶翰見集本

忽來枝上轉還似谷中聲
乍使香閨靜偏傷
遠客情間關難辨處
斷續若頻驚
玉勒留將久青樓夢不成
千門候曉

發萬井報春生徒有知音賞
慙非臯鶴鳴

禁林聞曉鶯

陸衰

曙色分層漢鴛聲繞上林
報花開瑞錦催柳綻黃金
斷續隨風遠間關送月沉
語當温樹近飛覺禁林深
繡戶驚殘夢瑤池轉好音
願將棲息意從此沃天心

鳥散餘花落

趙存約

春曉遊禽集幽庭幾樹花
坐來驚艷色飛去墮晴霞
翅拂繁枝落風添舞影斜
彩雲飄玉砌絳雪下仙家
分散音初靜凋零藥帶葩
空階瞻翫久應共惜年華

同前

竇洵直

晚樹春歸後花飛鳥下初
參差分羽翼零落滿空虛
風外青疑香轉林邊艷影踈
輕盈疑雪舞髣髴似霞舒
萬片情難極遷喬思有餘
微巨一何幸吟賞對宸居

同前

孔温業

美景春堪賞芳園白日斜
共看飛好鳥復見落餘花
來往驚翻電經過想散霞
雨餘飄處處風送蒲家家
友聲初去離枝色可咨
嗟從茲時節換誰爲惜年華

空梁落鷺泥

顧況

卷幕差池鷺常銜濁水泥
爲黏珠履跡未等畫梁齊
舊點痕猶淺新巢緝尚低
不緣頻上落那得此飛棲

好鳥鳴高枝

鄭衮

養翻非無待遷喬信自早
影高遲日度聲遠好風隨
雲拂千尋直花催百轉竒
驚人時向晚求友聽應知
委質經三歲先鳴在一枝
上林如可託弱羽願差池

振振鷺

李頻

有鳥生江浦霜華作羽翰
君臣將比潔朝野用爲歡
月影

林稍下冰光水際殘飛翻時
共樂飲啄道皆安迴翥宜高
詠群棲入靜看由來鷺鷥侶
濟濟列千官

飛鴻響遠音

李體仁

漠漠微霜夕翩翩出渚鴻
清聲流迴野高韻入寥空
舊質經寒塞殘音響遠風
縈雲猶類網避月尚疑弓
弱羽雖能振丹青竟未通
欲知多怨思聽取暮煙中

出籠鵲

濮陽權

玉鏃分花袖金鈴出絲籠
搖心長捧日逸翰鎮生風
一點青霄稟千聲碧落中
星眸隨狡兔霜瓜落飛鴻
每念提携力常懷搏擊功
以君能惠好不敢沒遙空

霜隼下晴臯

九臯霜氣勁翔隼下初晴
風動閑雲卷星池白草平
稜稜方厲疾肅肅自縱橫
掠地秋毫迴投身逸翮輕
高墉全失

影逐雀乍飛聲薄暮寒郊外悠悠萬里情

反舌無聲

張籍

夏木多好鳥偏知反舌名林幽歸舊仍集作宿時過已無集作

聲竹外天空曉溪頭雨自晴居人疑且集作寂寞深院益淒

清入霧暗相失當風閑易驚來年上林苑知爾最先鳴

雪後聽猿吟

顧偉

寒巖飛暮雪絕壁夜猿吟歷歷和群鴈寥寥思客心繞枝

猶避箭過嶺却投林風冷聲偏苦山寒響更深聽時無有

定靜稟固難尋一宿扶桑月聊看懷好音

寒蟬樹

沈鵬

一葉初飛日寒蟬益易驚入林慙纖細依樹媿身輕大幹

時容息喬枝或借鳴心由飲露淨響為逐風清忝有翮翹

分一作翼應憐嘒啖聲不知微薄影早晚掛綫纓

文苑英華卷第一百八十五

登仕郎胡柯

鄉貢進士彭

叔夏

校正

文苑英華卷第一百八十六

詩三十六

省試七

州府試附

明堂火珠一首

沉珠於淵二首

珠還合浦一首

罔象得玄珠一首

濁水求珠三首

暗投明珠三首

水懷珠一首

琢玉成器一首

玉卮無當二首

沽美玉一首

瑕瑜不相掩二首

瑜不掩瑕一首

玉水記方流六首

玉聲如樂二首

憂玉有餘聲一首

琢玉二首

水精環一首

亞父碎玉斗三首

美玉一首

西戎獻白玉環一首

白珪無玷一首

金在鎔一首

清如玉壺冰二首

玉壺冰四首

明堂火珠

崔曙

正位開重屋，凌空出火珠。夜來霜月滿，曙後一星孤。天淨光難滅，雲生望欲無。還知聖明代，國寶在名都。

沉珠於淵

唐詩類
詩作泉

獨孤良器

皎潔澄泉水，熒煌照乘珠。沉非將寶契，還與不貪符。風折璿成浪，空涵影似浮。深看星并入，靜向月同無。光賈憐時重，亡情信道樞。不應無脛至，自為暗投殊。

同前

獨孤綬

至道歸淳朴，明珠被棄捐。失真來照乘，成性却沉泉。不是靈蛇吐，猶疑合浦旋。岸旁隨日落，波底共星懸。致遠終無脛，懷貪遂比肩。欲知恭儉德，所寶在唯賢。

珠還合浦

鄧陟

至寶含冲粹，清虛映浦灣。素輝明蕩漾，圓彩色玢璠。昔逐諸侯去，今隨太守還。影搖波裏月，光動水中山。魚目徒相比，驪龍乍可攀。願將車飾用，長得耀君顏。

罔象得玄珠

張籍類詩作
黎逢

赤水今何處，遺珠已渺然。離婁徒肆目，罔象乃通玄。皎潔因成性，圓明不在泉。暗中看類詩作
驅夜色塵外照情，田無脛真難掬懷。類詩作
疑實易遷今朝搜，擇得應自免。一作
媚情川

濁水求珠

王起

行潦沉明月，光輝也不浮。識珍能洞鑒，精寶一作此來求
意幾被泥沙雜。常隨混濁流，潤川終自媚。照乘且何由，的樂終難掩。晶瑩願見收，蛇行無脛至。飲德已聞酬。

同前

呂價

至寶誠難得，潛光在濁流。深沉當處晦，皎潔庶來求。綴履

將還用褰裳必更收蚌胎應自別魚目豈能儔日彩逢高
鑒星光詎暗投不因今日取泥滓出無由

同前

王損之

積水非澄澈明珠不易求依佈沉極浦想像在中流瞪目
思清淺褰裳恨暗投徒看川色媚空愛夜光浮月入疑龍
吐星歸似蚌遊終希識珍者採掇冀冥搜

暗投明珠

羅泰

媚川時未識在掌共傳名報德能欺暗投人自欲明月臨
幽室朗星沒曉河傾的鑠驪龍頷熒煌彩鳳呈守恩辭合
浦擅美掩連城魚目應難近誰知按劍情

同前

范一作訕文又切

至寶欣懷日良茲豈可儔神光非易鑒夜色信難投錯落
珍寰宇圓明隔淺流精靈辭合浦素彩耀神州抱影希人

識承時望帝求誰言按劍者猜忌却生讎

同前

至寶一作千看懷袖明珠出後疑收向人光不定離掌勢難
留皎澈虛臨夜孤圓冷瑩秋乍來驚月落疾轉怕星流有
淚甘瑕棄無謀自暗投今朝感恩處將欲報隋侯

水懷珠

莫宣卿

長川含媚色波底孕靈珠素魄生蘋末圓規照水隅淪連
水彩動蕩漾瑞光鋪迴夜星同貫清秋岸不枯江妃思在
掌海客亦忘軀合浦當還日恩威信已敷

琢玉成器

片玉寄幽石紛綸當代名荆人獻始遇良匠琢初成冰映
寒光動虹開晚曉一作色明雅容看更澈餘響扣彌清自與
瓊瑤比方隨掌握榮因知君有用高價佇連城

玉卮無當

蔣防

美玉常為器茲焉變漏卮酒漿悲莫挹罇俎念空施符彩
功難補盈虛數已虧豈唯孤玩好抑亦類瑕疵清越音雖
在操持意漸隳賦形期大匠良璞勿同斯

同前

共惜連城寶翻為無當卮詎慙君子貴深訝拙工隨泛蟻
功全少如虹色不移可憐殊礫石何計辨糟醜江海誠難
滿盤筵莫妄施縱乖斟酌意猶得奉光儀

沾美玉

羅立言

誰憐被褐士懷玉正求沾成器終期達逢時豈見誣寶同
珠照乘價重劔論都浮彩朝虹蒲懸光夜月孤幾年淪瓦
礫今日出泥塗采斲資良匠無令瑕掩瑜

瑕瑜不相掩

陳中師

出石溫然玉瑕瑜素在中妍蚩因異彩音韻一作響信殊風
讓美心方並求底意本同光華開縝密清潤仰磨礮秀質
非攘善貞姿肯廢忠今來儻成器分別在良工

同前

武翊黃

抱璞應難辨妍蚩每自融貞姿偏特達微玷遇磨礮涇渭
流終異瑕瑜自不同半曾光透石未掩氣如虹縝密誠為
智包藏豈謂忠停疑看分美惡今得值良工

瑜不掩瑕

柴宿

朗玉微瑕在分明異璞瑜堅貞寧可雜美惡自能殊待價
知彌久稱忠定不誣光輝今見黜毫髮外呈符豈假相工
指堪為達士模他山黨前漢伍被傳黨可以徽磨琢慕愛
是洪鍾

玉水記方流

吳丹

玉泉何處比四折水文浮潤下寧踰矩居方在上流映空
虛碌碌涵白淨悠悠影碎疑衝斗光清耐掩舟珪璋分辨
狀沙礫共懷柔願赴朝宗日縈迴入御溝

同前

鄭俞

積水碁文動因知玉產幽如天涵素色侔地引方流潛潤
滋雲起英華射浪浮魚龍泉不夜草木岸無秋壁沼寧堪
比瑤池詎可儔若非懸可測誰復寄冥搜

同前

白居易

良璞含章久寒泉徹底幽君浮光泛泛集作方折浪悠悠
凌亂波紋異縈迴水性柔似風搖淺瀨如集作月落清流
潛頴應旁達藏真豈上浮玉人如不記淪棄即千秋

同前

王鑑

玉潤在中洲光臨碕岸幽氤氳冥瑞影演養度方流乍似

輕連合還疑駭浪收寅緣知有異洞徹信無儔比德稱殊
賞含輝處至柔沉淪如見念況乃屬時休

同前

杜元穎

重泉生美玉積水異常流如見清堪賞因知寶可幽斗迴
虹氣見磬折紫光浮中矩諧明德同方叶至柔月生偏共
映風暖佇將遊異寶雖無脛逢時願俯收

同前

陳昌言

明媚如懷玉竒姿自託幽白虹深不見綠水折空流方珏
清沙遍縱橫氣色浮類圭才有角寫月讓成鈎久處沉潛
貴希當特達收滔滔在何許揭厲願從游

玉聲如樂

劉軻

玉叩能旋止人言與樂并繁音忽已闕雅韻詘然清珮想
停仙步泉疑咽夜聲曲終無異聽響極有餘情特達知難

擬玲瓏豈易名崑山如可得一片佇爲榮

同前

潘存實

表質自堅貞因人一扣鳴靜將金並響妙與樂同聲杳杳
疑風送泠泠似曲成韻含湘瑟切音帶舜絃清不獨藏虹
氣猶能暢物情后夔如爲聽從此振琤琤

曼玉有餘聲

管雄甫

曼玉音難盡疑人思轉清依稀流戶牖髣髴在簷楹更逐
松風起還將澗水并樂中和舊曲天際轉餘聲漂一作瞥
浮煙遠溫柔入耳輕想如君子佩時得上堂鳴

琢玉

丁居晦

卞玉何時獻初疑尚在荆琢來聞制器價銜勝連城虹氣
衝天白雲浮入信貞珮爲廉節德杯作侈奢名露璞方期
辨雕文幸旣成他山豈無石寧及此時呈

同前

浩虛舟

已沐識堅貞應憐器未成輝山方可重散璞乍堪驚玷滅
隳一作隨一作心正瑕消奪眼明琢磨虹氣在拂拭水容一作塵一作生
賞翫冰光冷提携月魄輕佇當留一作親捧握瑚璉幸齊名

水精環

嚴維

玉室符長慶環中得水精任圓循不極見素質仍貞信是
天然瑞非因撲斲成無瑕勝玉美至絜過冰清未肯齊珉
價寧同雜珮聲能銜任黃雀亦欲應時鳴

亞父碎玉斗

孟簡

獻謀旣我違積憤從新痍鴻門日已迫赤帝時潛退寶位
方苦競玉斗何情愛猶看虹氣凝詎惜冰姿碎而嗟大事
返當起千里悔誰爲西楚王坐見東城潰

同前

裴次元

類詩作
夷直

雄謀竟不決寶玉將何愛
倏爾霜刃揮颯然春冰碎飛光
動旗幟散響驚還珮
霜灑繡障前星流錦筵內
圖王業已失爲虜言空悔
獨有青史中英風觀千載

類詩作冠千載

同前

何儒亮

嬴女昔解網楚王有遺躅
破關既定秦碎首聞獻玉
貞姿應刃散清響因風續
匪徇切泥功將明懷壁辱
莫量漢祖德空受項君勗
事去見前心千秋渭水綠

美玉

南巨川

抱玉將何適良工正在斯
有瑕寧自掩匪石幸君知
雕琢嗟成器緇磷志不移
飾罇光晏賞入珮奉威儀
象德曾留譽如虹竊可竒
終希逢善價還得桂林枝

西戎獻白玉環

張惟儉

當時無外守方物四夷通
列土金河北朝天玉塞東
自將

荆璞比不與鄭還同正朔
雖傳漢衣冠尚帶戎幸承
提佩寵多媿琢磨功絕域
知文教爭趨上國風

白珪無玷

辛宏

片玉表堅貞逢時寶自呈
色鮮同雪白光潤奪冰清
皎皎無瑕玷鏘鏘有珮聲
崑山標重價垂棘振香名
抱璞心常苦全真道未行
琢磨忻大匠還冀動連城

金在鎔

白行簡

巨橐方鎔物洪鑪欲範金
紫光看漸發赤氣望逾深
燄熱晴雲變煙浮書景陰
堅剛由我性鼓鑄任君心
踴躍徒標異沉潛自可欽
何當得成器待叩向知音

清如玉壺冰

王維

玉壺何用好偏許素冰居
集作藏冰玉壺未共銷丹日
還同照綺踈抱明中不隱含
淨外疑虛氣似庭霜積光
言砌

月餘曉凌飛鵲鏡宵映聚螢書若向貪夫集作夫君比貞清定不餘集作如

同前

盧綸

玉壺冰始結循吏政初成既有虛心鑒還如照膽清瑤池
慙洞徹金鏡讓澄明氣若朝霜動形隨夜月盈臨人能不
蔽待物本無情怯對圓光裏妍虫自此呈

玉壺冰

潘炎

琰玉性惟堅成壺體更圓虛心寒景像應物受寒泉溫潤
資天質清貞稟自然日融光乍散雪照色逾鮮至鑒功寧
宰無私照豈偏明將冰鏡對白與粉花連拂拭終爲美提
携佇見傳勿令毫髮累遺恨鮑公篇

同前

玄律陰風勁堅冰在玉壺暗中花更出曉後色全無涸泛

誰能泮淒清詎可渝任圓空似壁照物不成珠素質情方
契孤明道豈殊幽人若相比還得詠生芻

同前

王季友

玉壺如素結止水復中澄堅白能虛受清寒得自凝分形
同曉鏡照物掩宵燈壁映圓光出人驚爽氣凌金壘何足
貴瑤席幾迴昇正值求珪瓚提携共飲冰

同前

錢象仲

冬律初陰結寒冰貯玉壺霜姿雖異稟虹氣亦相符對月
光宜並臨池影不孤貞堅方共濟同處豈殊途色瑩連城
壁形分照乘珠提携今在此抱素節寧渝

文苑英華卷第一百八十六

登仕郎胡柯 鄉貢進士彭叔夏 校正

明堂火珠

凌空

類詩作中天

霜月滿

類詩作雙月合

名都

類詩作京都

珠沉於淵

寶契

類詩作寶弃

影似浮

類詩作彩菱金

光價憐

類詩作高價緣

亡情

類詩作忘情

自為

類詩作迴興

文苑英華卷第一百八十七

詩三十七

省試八州府試附

秋山極天淨一首

落日山照曜一首

積雪為小山一首

監試蓮花峯一首

謝真人僊駕過舊山二首

宣州試窓中列遠岫一首

登雲梯二首

日暖萬年枝四首

風動萬年枝三首

禁中春松四首

貢院樓北新栽小松四首

尚書都堂瓦松一首

文宣王廟古松一首

幽人折芳桂一首

秋風生桂枝一首

月中桂樹一首

華州試月中桂一首

府試木向榮一首

古木卧平沙一首

竹箭有筠三首

震為蒼筤竹一首

嘉禾合穎二首

秋稼如雲一首

麥穗兩岐一首

餘瑞麥一首

良田無晚歲一首

霜菊二首

月夜梧桐葉上見寒露一首

秋山極天淨

朱延齡

雨洗高秋淨天臨大野閑
葱蘢清萬像繚繞出層山
日落千峯上雲銷萬壑間
綠蘿霜後翠紅葉雨來殷
散彩輝吳甸分形壓楚關
欲尋霄漢路延首願登攀

落日山照曜

徘徊空山下晚晚殘陽落
圓影過峯巒半規入林薄
餘光徹群岫亂彩分重壑
石鏡共澄明巖光同照灼
棲禽去杳杳夕煙生漠漠
此境一作景誰復知獨懷謝康樂

積雪爲小山

劉慎虛

飛雪伴春還春庭曉自閑
虛心應任道遇賞遂成山
峯小形

全秀巖虛勢莫攀以幽能皎潔謂近可循環
孤影臨水鏡寒光對玉顏不隨遲日盡
留顧歲華間

監試蓮花峯

劉得仁

太華萬餘重岩崑只此峯當秋倚寥沉
入望似芙蓉翠拔千尋直青危一朶穠
氣分毛女秀靈有羽人蹤倒影侵關路
香風激廟松塵埃終不及車馬自憧憧

謝真人僊駕過舊山

范傳正

麾蓋從僊府笙歌入舊山水流丹竈缺
風起草堂關白鹿行爲衛青鸞舞自閑
種松鱗未老移石蘚仍斑望路煙霄迤
迴輿嶺岫間豈惟遼海鶴空歎今威還

同前

夏方慶

何年成道去綽約化童顏天上躋真侶
人間憶舊山桑田今已變蘿蔓一作選
尚堪攀雲覆瑤壇淨苔生丹竈閑逍遙

看白石寂寞閑玄關應是悲塵累思將羽駕還

宣州試窓中列遠岫

白居易

天靜秋山好窓開曉翠通遙憐峯窈窕不隔竹蒙籠萬點
當虛室千重疊遠空列簷攢秀氣綠隙助清風碧愛新晴
後明宜反照中宣城郡齋在望與古詩集作同

登雲梯

殷琮

碧落遠澄澄青山路可昇身輕疑易蹋步獨覺難憑躡也
排將近迴翔勢漸登上寧愁屈曲高更喜超騰江樹遙分
藹山嵐宛若凝赤城容許到敢憚百千層

同前

湯洙

謝客常遊處層巒枕碧溪經過殊俗境登陟象雲梯步步
勞山屐行行躡澗霓迴臨天路廣覆眺夕陽低賞詠情彌
恆風塵事已睽前修如可慕疑作投是固思齊

日暖萬年枝

蔣防

新陽歸上苑嘉樹獨含妍散漫添和氣曛隴卷曙煙流輝
宜聖日接影貴芳年自與恩光近那關煦嫗偏結根誠得
地表壽願符天誰道隣寒質從茲不暖然

同前

郭求

旭日升溟海芳枝散曙煙温仁臨樹久煦嫗在條偏陽德
符君惠嘉名表聖年若承恩渥厚常屬棟梁賢生植雖依
地光華只信天不才甘仄陋徒望向榮先

同前

王約

靄靄彤庭裏沉沉玉砌陞初升九華日潜暖萬年枝煦嫗
光偏好青葱色轉宜每因韶景麗長沐惠風吹隱映當龍
關氛氲隔鳳池朝陽光照處唯有近臣知

同前

鄭師貞

禁樹敷榮早偏將麗日宜光搖連北闕影泛滿南枝得地
方知照逢時異赫曦葉和盈數積根是永年移霄露猶殘
潤薰更共吹餘暉誠可託况近鳳凰池

鳳動萬年枝

常紆

嘉名標萬祀擢秀出深宮嫩葉含煙藹芳柯振惠風參差
搖翠色綺靡舞晴空氣稟禎祥異榮霑雨露同天年方未
極聖壽比應崇幸列華林裏知殊衆木中

同前

樊陽源

珍木羅前殿乘春任好風振柯方裊裊舒葉乍蒙蒙影動
丹墀上聲傳紫禁中離披偏向日凌亂半空輕拂祥煙
散低搖翠色同長令占天眷四氣借全功

同前

許稷

瓊樹春偏早光飛處處宜曉浮三殿日暗度萬年枝婀娜

搖僊禁續翻映玉池含芳煙乍合拂砌影初移爲近韶陽
煦皆先衆卉垂成陰知可待不與衆芳隨

禁中春松

陸贄類詩作
白行簡

陰陰清禁裏蒼翠蒲春松雨露恩偏近陽和色更一作
濃高枝分曉日露韻一作吹雜宵鍾嵐一作香助鑪煙遠形疑
蓋影重願符千載類詩作
千歲壽不羨五株封儻得類詩作
長得迴
天眷全勝老碧一作峯

同前

周存

幾歲含貞節青青紫禁中日華留媪蓋雉尾轉春風不爲
繁霜改那將衆木同千條攢衆色百尺澹晴空影密金莖
近花明鳳沼通安知幽澗側獨與散樗叢

同前

負南溟

鬱鬱貞松樹陰陰在紫宸葱蘢偏近日青翠更宜春雅韻

風來起輕煙霽後新葉深棲語鶴枝亞拂朝臣全節長依地陵雲欲致身山苗蔭不得生植荷陶鈞

同前

常沂

映殿松偏好森森列禁中柯霑聖澤踈蓋引皇風晚色連秦苑春香滿漢宮操將貞石固材與直臣同翠影宜青瑣蒼一作纖枝秀碧空還知沐天眷千載更葱蘢

貢院樓北新栽小松

李正封

青蒼初得地華省植來新尚帶山中色猶含洞裏春近樓依北戶隱砌遊遊塵鶴壽應成蓋龍形未有鱗為梁資大夏封爵耻羸秦幸此觀光日清風屢得親

同前

白行簡

華省春霜曙樓陰植小松移根依厚地委質別危峯北戶知猶遠東堂幸見容心堅終待鶴枝嫩未成龍夜影看仍

薄朝嵐色漸濃山苗不可蔭孤直侯秦封

同前

錢象仲

愛此凌霜操移來獨占春貞心初得地勁節始依人晚疑月煙猶薄當軒色轉新枝低無宿羽葉靜不留塵每與芝蘭近常慙雨露均幸因逢顧眄生植及茲辰

同前

吳武陵

拂檻愛貞容移根自遠峯曾經芳一作已草沒終不住疑苔封葉少初陵雪鱗生欲化龍乘春濯雨露得地近垣墉逐吹香微動含煙色漸濃時迴日月照為謝小山松

尚書都堂瓦松

李暉

華省祕僊蹤高堂露瓦松葉因春後長花為雨來濃影混鴛鴦色光含翡翠容天然斯所寄地勢太無從接棟臨雙闕連甍近九重寧知深澗底霜雪歲兼封

文宣王廟古松

李曾

列植成均裏分行古廟前陰森非一日蒼翠自何年寒影
煙霜暗晨光枝葉妍近簷陰更靜臨砌色相鮮每愧聞鐘
磬多慙接豆籩更宜教胄子於此學貞堅

幽人折芳桂

厚地生芳桂遙林聳幹長葉開風裏色花吐月中光曙鳥
啼餘翠幽人愛早芳動時垂露滴攀處拂衣香入調聲猶
苦孤一作高力自強一枝終是折榮耀在東堂

秋風生桂枝

寒桂秋風動蕭蕭自一枝方將擊林變不假舞松移散翠
幽花落搖青密葉離哀猿驚助裏花露滴爭垂遺韻連波
聚流音萬水隨常聞小山裏逋客最先知

月中桂樹

顧封人

芬馥天邊桂扶踈在月中能齊大椿長不與小山同皎皎
舒華色亭亭麗碧空虧盈寧委露搖落不關風歲晚花應
發春餘質詎豐無因遂攀賞徒欲望青葱

華州試月中桂

張喬

與月轉鴻濛扶踈萬古同根非生下土葉不墮秋風每以類詩作每向
圓時足還隨缺處空影高群木外香滿一輪中未鍾丹霄
日應虛玉一作兔宮如何當一作何羽化細得問玄功

府試木向榮

鄭谷

園林青風動衆木散寒聲敗葉墻陰在滋條雪後榮忻忻
春令早藹藹日華輕庾嶺梅先覺隋堤柳暗驚山川應物
候臯壤起農情祗待花開日連棲出谷鶯

古木卧平沙

王泠然

古木卧平沙摧殘歲月賒有根橫水石無葉拂煙霞春至

苔爲葉冬來雪作花不逢星漢使誰辨是靈槎

竹箭有筠

李程

常愛凌寒竹堅貞可喻人能將先進禮義與後彫隣冉冉
猶全節青青尚有筠陶鈞二儀內柯葉四時春待鳳花仍
吐停霜色更新方持不易操對此欲觀身

同前

席夔

共愛東南美青青歎有筠貞姿衆木異秀色四時均枝葉
當無改風霜豈憚頻虛心如待物勁節自留春鮮潤期棲
鳳嬋娟可並人可憐初籜卷粉澤更宜新

同前

張仲方

東南生綠竹獨美有筠箭枝葉詎曾凋風霜孰云變偏宜
林表秀多向歲寒見碧色乍蔥蘢青光常蒨練皮開鳳彩
出節勁龍文見愛此守堅貞含歌屬時彥

震爲蒼筤竹

朱慶餘

爲擢東方秀蕭集作脩然異衆筠青葱纒映粉蒙密正含春
嫩籜霑微雨幽根絕細塵乍憐分徑小偏覺帶煙新結實
皆留鳳垂陰似庇人願爲竿在手深水釣集作掛頰鱗

嘉禾合頌

孟簡

玉燭將成歲封人亦自歌八方霑聖澤異畝發嘉禾共秀
芳何遠連莖瑞且多頰低甘露滴影亂惠風過表稔由神
化爲祥識氣和因知興嗣歲王道舊無頌

同前

天祚皇王德神呈瑞穀嘉感時苗特一作目秀證道葉方華
氣轉騰佳色雲披映早霞薰風浮合頰湛露淨祥花六穗
垂蕪倒孤莖嬾復斜影疑同唐叔獻稱慶比周家

秋稼如雲

蔣防

肆目如雲處三田大有秋葱籠初滿野類詩作散漫正盈
疇稍混從龍勢寧同觸石幽紫芒分暮暮青野類詩作澹油油始
愜倉箱望終無滅裂憂西成知不遠雨露復何酬

麥穗兩岐

鄭畋

聖慮憂千畝嘉苗薦兩岐如雲方表盛成穗忽標竒瑞露
縱橫滴祥風左右吹謳謠連上苑花實遍平陂一作史冊
書堪重丹青畫更宜願依連理樹俱作萬年枝

餘瑞麥

張聿

瑞麥生堯日芄芄雨露徧兩岐分更合異畝頽仍連冀獲
明王慶寧唯太守賢仁風吹靡靡甘雨長芊芊聖德應多
稔皇家配有年已聞天下泰誰爲濟西田

良田無晚歲

丁澤

人功雖未及地力信非常不任耕耘早徧宜黍稷良無年

皆有獲後種亦先芳懽懽盈千畝青青保萬箱何須祭
田祖詎要察農祥況是春三月和風日又長

霜菊

席夔

時令忽已變行看被霜菊可憐後時秀當此凜風肅浙瀝
翠枝翻淒清金蕊馥凝姿節堪重登艷景非淑寧祛青女
威願盈君子掬持來泛罇酒永以照幽獨

同前

秋盡北風去律移寒氣肅浙瀝降繁霜離披委殘菊華滋
尚照灼幽氣含紛郁的的冒空園萋萋被幽谷騷人有遺
詠陶令曾盈掬儻使懷袖中猶堪襲餘馥

月夜梧桐葉上見寒露

戴察

蕭疎桐葉上月白露初團滴瀝珠光滿熒煌素彩寒風
搖愁玉墜枝動惜珠乾氣冷初秋晚聲微覺夜闌凝空

流欲遍潤物淨宜看莫厭窺臨倦將晞聚更難

文苑英華卷第一百八十七

登仕郎胡 柯 鄉貢進士彭 叔夏 校正

文苑英華卷第一百八十八

詩三十八

省試九州府試附

花發上林六首

曲江亭望慈恩寺杏園花發四首

金谷園花發懷古三首 芙蓉出水二首

華林園早梅一首 潘安仁戴星看河陽花發一首

宮池產瑞蓮一首 小苑春望宮池柳色十首

御溝新柳六首 原隰萋綠柳一首

御園芳草一首 龍池春草三首

方士進恒春草一首 禮闈階前春草生一首

春草凝露一首 春草碧色二首

生芻一束二首

花發上林

獨孤授

上苑韶容早芳菲正吐花無言向春日閑笑任年華潤色
籠輕靄晴光艷晚霞影連千戶竹香散萬人家幸遶樓臺
近仍懷雨露賒願君垂採摘不使落風沙

同前

周渭

灼灼花凝雪春來發上林向風初散藥垂葉欲成陰人過
香隨遠煙晴色自深淨時空結霧踈處未藏禽葦茸何年
植間關幾日吟一枝如可冀不負折芳心

同前

竇常

上苑曉沉沉花枝亂綴陰色浮雙闕近春入九門深向暖
風初扇餘寒雪尚侵艷迴秦女目愁處越人心繞繞時縈
蝶關關乍引禽寧知幽谷羽一舉欲依林

同前

王表

上苑春何早繁花已滿林笑迎明主仗香拂美人簪地接

樓臺近天垂雨露深晴光來戲蝶夕影動棲禽欲託凌雲
勢先開捧日心當知桃李樹從此必成陰

同前

王儲

東陸和風至先開上苑花穠枝藏宿鳥香藥拂行車散白
憐晴日舒紅愛晚霞桃間留御馬梅處入胡笳城郭連增
媚樓臺映轉華豈同幽谷草春至發猶賒

同前

侯列

花發三陽盛香飄五柝深素暉雲積苑紅彩繡張林落水
隨魚戲搖風映鳥吟瓊樓出高艷玉輦駐濃陰亂蝶枝間
影繁蜂藥上音鮮芳盈禁籞布澤荷天心

曲江亭望慈恩寺杏園花發

李君何

春晴凭水軒僊杏發南園開藥風初曉浮香景欲暄光華
臨御陌色相對空門野雪遙添淨山煙近借繁地閑分柰

鹿一作苑景勝類桃源況值新晴日芳枝度彩鴛

同前

周弘亮

江亭閑望處遠近見秦源古寺遲春景新花發杏園萼中
輕藥密枝上素姿繁拂雨雲初起含風雪欲翻容輝明十
地香氣遍千門願莫隨桃李芳菲不爲言

同前

曹著

渚亭臨淨城憑望一開軒晚日分初○地東風發幸園異
香飄九陌麗色映千門照灼瑤華散歲蕤玉露繁未教遊
妓折乍聽早鶯喧誰復爭桃李含芳自不言

同前

陳翥

曲池晴望好近接梵王家十畝開金地千林發杏花映雲
猶誤雪照日欲成霞紫陌傳香遠紅泉落影斜園中春尚
早亭上路非賒芳景堪遊處其如惜物華

金谷園花發懷古

王質

寂寥金谷澗花發舊時園人事空懷古煙霞此獨存管絃
非上客歌舞少王孫繁藥風驚散輕紅鳥乍翻山川終不
改桃李自無言今日經塵路淒涼詎可論

同前

張公乂

今日春風至花開石氏園未全紅艷折半與素光翻點綴
踈林遍微明古徑繁窺臨鶯欲語寂寞李無言谷變迷鋪
錦臺餘認樹萱川流人事共一作近千載竟誰論

同前

春風生梓澤遲景映花林欲問當時事因傷此日心繁華
人已歿桃李意何深澗咽歌聲在雲歸蓋影沉地形同萬
古笑價失千金遺跡應無限芳菲不可尋

芙蓉出水

陳至

菡萏迎秋吐天搖映水濱
劍芒開寶匣峯影寫蒲津
下照參差荇高辭苒弱蘋
自當巢翠甲非止戲頰鱗
莫以時先後而言色故新
芳香正堪翫誰報涉江人

同前

賈謩

的皪舒芳艷紅姿映綠蘋
搖風開細浪出沼媚清晨
翻影初迎日流香暗襲人
獨披千葉淺不競百花春
魚戲參差動龜遊次第新
涉江如可採從此免迷津

華林園早梅

鄭述誠

曉日東樓路林端見早梅
獨凌寒氣發不逐衆花開
素彩風前艷韶光雪後催
藥香霑一作紫陌枝亞拂青苔
止渴曾爲用和羹舊有才
含情欲攀折瞻望幾徘徊

潘安仁戴星看河陽花發

呂敞

行春潘令至勤恤戴星光
爲政宵忘寢臨人俗冀康
曉花迎徑發新藥蒲城香
秀色露輕露鮮輝麗早陽
津橋見來往空霧拂衣裳
桃李今無數從茲願比方

宮池產瑞蓮

帖經日試

王貞白

雨露及萬物嘉祥有瑞蓮
香飄雞樹近榮占鳳池先
聖日臨雙麗恩波照並妍
願同指佞草生向帝堯前

小苑春望宮池柳色

張昔

小苑春初至皇衢日更清
遙分萬條柳迴出九重城
隱映龍池潤叅差鳳闕明
影宜宮雪曙色帶禁煙晴
深淺殘陽變高低曉吹輕
年光正堪折欲寄一枝榮

同前

黎逢

上宮新柳變小苑暮天晴
始見和煙密遙憐拂水輕
色乘陽氣重陰助御樓清
不厭隨風嫋仍宜向日明
客中愁一作觀客愁美景池上仰先榮
漸到依依處思聞出谷鶯

同前

丁位

小苑宜春望宮池柳色輕低昂含曉景縈轉帶新晴似蓋
芳初合如絲蔭漸成依依連水暗嬾嬾出牆明雖以陽和
發能令旅思生他時花蒲路從此接遷鶯

同前

元友直

柳色新池遍春光御苑晴葉依青閣密條向碧流傾路暗
陰初重波搖影轉清風從垂處度煙就望中生斷續遊蜂
聚飄飄戲蝶輕怡然變芳節願及一枝榮

同前

楊系

勝遊從小苑宮柳望春晴拂地青絲嫩縈風綠帶輕光含
煙色遠影透水文清玉笛吟何得金閨畫豈成皇風吹欲
斷聖日映逾明願駐高枝上還同出谷鶯

同前

楊凌

上苑閑遊早東風柳色輕儲胥遙掩映池水隔微明春至
條偏弱寒餘葉未成和煙變濃澹轉日異陰晴不獨芳菲
好還因雨露榮行人望攀折遠翠暮愁生

同前

崔續

帝京春氣早御柳已先榮嫩葉隨風散浮光向日明悠揚
生別意斷續引芳聲積翠連馳道飄花出禁城柔條依水
弱遠色帶煙輕南望龍池畔斜光照晚晴

同前

裴達

勝遊經小苑閑望上春城御路韶光發宮池柳色輕乍濃
含雨潤微澹帶雲集作煙晴幕歷殘煙歛搖揚落照明幾條
垂廣殿數樹影高旌獨有風塵客思同雨露榮

同前

張季略

韶光歸漢苑柳色發秦城半見離宮出纔分遠水明青葱

當淑景隱映媚新晴積翠煙初合微黃葉未生迎春看尚
嫩照日見先榮儻得辭幽谷高枝寄一鳴

同前

沈迥

今來遊上苑春染柳條輕濯濯方含色依依若有情分行
臨曲沼先發梅重城拂水枝偏弱搖風絲已生變黃隨淑
景吐翠逐新晴佇立徒延首徘徊欲寄誠

御溝新柳

賈稜

御苑陽和早章溝柳色新託根偏近日布葉乍迎春秀質
方含翠清陰欲庇人輕煙度斜景多露滴行塵裊裊堪離
贈依依獨望頻王孫如可賞攀折在芳辰

同前

陳羽

宛宛如絲柳含黃一望新未成溝上暗且向日邊春嬾娜
方遶水低迷欲醉人託空芳鬱鬱逐溜影鱗鱗弄色滋宵露

垂枝染夕塵夾堤連太液還似映天津

同前

歐陽詹

東風韶景至垂柳御溝新媚作千門秀連爲一道春柔莢
生女指嫩葉長龍鱗舞絮迴青岸輕煙拂綠蘋王孫初命
賞佳客幾集作傷神芳意能集作相贈一枝先遠人

同前

馮宿

夾道天渠遠垂絲御柳新千條宜向日萬戶共迎春輕翠
含煙發微音逐吹頻靜看思渡口迴望憶江濱裊裊分遊
騎依依駐旅人陽和如可及攀折在茲辰

同前

李觀集無

御溝迴廣陌芳柳對行人翠色枝枝滿年光樹樹新畏逢
攀折客愁見別離辰近映章臺騎遙分禁苑春嫩陰初覆
水高影漸離塵莫入胡兒笛還令淚濕巾

同前

劉遵古

韶光先禁柳幾處覆溝新映水疑分翠含煙欲占春悠悠
遲日晚裏裏好風頻吐節茸猶嫩通條澤稍均遠和瑤草
色暗拂玉樓塵願假騫飛便歸棲及此辰

原隰萋綠柳

温庭筠集無

迴野韶光早晴川柳滿映一作堤拂塵生嫩綠披雪見柔荑
碧玉牙猶短黃金縷未齊腰支弄寒吹眉意入春閨預恐
狂夫折迎牽逸客迷新鷲將出谷應借一枝棲

御園芳草

陸贄集無

陰陰御園裏瑤草日光長霏靡含煙霧依佈帶夕陽兩餘
萋更密風暖蕙初香擁妓綠馳道乘輿入建章濕煙搖不
散細影亂無行怕恐韶光晚何人辨早芳

龍池春草

陳翊一作

青春光鳳苑細草遍龍池曲渚交蘋葉迴塘惹柳枝因風
初萋萋覆岸欲離離色帶金堤靜陰連玉樹移日光浮霏
靡波影動參差豈比生幽遠芳馨衆不知

同前

宋迪

鳳闕韶光遍龍池草色勻煙波全讓綠堤柳不爭新翻葉
迎紅日飄香借白蘋幽姿偏占暮芳意欲留春已勝生金
埒長思藉玉輪翠華如見幸正好及茲辰

同前

万俟造

暖積龍池綠晴連御苑春迎風莖未偃裏露色猶新萋萋
分塔砌離離雜荇蘋細叢依遠渚踈影落輕淪遲引縈花
蝶偏宜拾翠人那憐獻賦者惆悵惜茲辰

方士進恒春草

梁鎰

東吳有靈草生彼剡谿傍既亂莓苔色仍連菡萏香掇之

稱遠士持以奉明王北闕顏彌駐南山壽更長金膏徒騁
妙石髓莫矜良儻使霑涓滴還遊不死方

禮闈階前春草生

河畔雖同色南宮淑景先微開曳履處常對講經前得地
風塵隔依林雨露偏已逢霜候改初寄日華妍影與叢蘭
雜榮將衆卉連哲人如不薤生意在芳年

春草凝露

張友正

蒼蒼芳草色含露對青春已賴陽和長仍慙潤澤頻日臨
殘未滴風度欲成津蕙葉垂偏重蘭叢洗轉新將行愁裊
逕欲采畏濡身獨愛池塘畔清華遠襲人

春草碧色

殷文圭

細草含愁碧芊綿南浦濱萋萋如恨別苒苒共傷春踈雨
煙華潤斜陽細彩勻花黏繁鬪錦人藉軟勝茵淺映宮池
水輕遮輦路塵杜回如可結誓作報恩身

同前

王穀

習習東風扇萋萋草色新淺深千里碧高下一時春嫩葉
舒煙際微香動水濱金塘明夕照輦路惹芳塵造化功何
廣陽和力自均今當發生日瀝懇祝良辰

生芻一束

于結

比玉人應重爲芻物自輕向風傾弱葉裊露示纖莖蒨練
宜春景芊綿對雨情每慙蘋藻用多謝蒞蘭榮孺子才雖
達公孫策未行認詢一作謀如不棄終冀及微生

同前

鄭孺華

孫弘期射策長倩贈生芻至絜心將比忘憂道不孤芝蘭
方入室蕭艾莫同途馥馥香猶在青青色更殊芳寧九春
歇薰豈十年無葑菲如堪採山苗自可逾

文苑英華卷第一百八十八

登仕郎胡柯 鄉貢進士彭叔夏 校正

文苑英華卷第一百八十九

詩三十九

省試十州府試附

至人無夢一首

人不易知二首

行不由徑四首

言行相顧二首

求自試一首

天門街西觀榮王聘妃二首

太社觀獻捷一首

觀劍南獻捷一首

河中獻捷一首

送薛大夫和蕃二首

吳宮教戰二首

李太尉重陽日得蘇屬國書一首

題杜賓客新豐里幽居一首 石季倫金谷園二首

仲秋太常寺觀公輅車拜陵一首

早春送郎官出宰一首

武德殿朝退望九衢春色一首

金莖一首

錦帶佩吳鈞一首

雲母屏風隔坐一首

觀淬龍泉劍一首

青出於藍二首

白受采一首

晦日同志昆明池泛舟二首 上巳連清明遊宴二首

登聖善寺閣望龍門一首 上元日聽太清宮步虛一首

府試中元觀道流虛步一首 河南府試鄉飲酒一首

京兆府試目極千里一首 國學試風化下一首

府試古鏡一首 秦鏡二首

監試夜雨滴空塔一首 江陵府試澄心如水一首

至人無夢

蔣防

已曠希微理知將靜默隣坐忘寧有夢跡戒示凝神化蝶

誠知一作或幻徵蘭匪契真抱玄雖解帶守一自離塵寥郎

壺中曉虛明洞裏春翛然碧霞客那比漆園人

人不易知

鄭昉

如面誠非一深心豈易知入秦書十上投楚歲三移和玉

翻爲泣齊竽或濫吹周行雖有寘殷鑒在前窺寅亮推多

士清通固賞竒病諸方號哲敢相反成疵冬日承餘愛霜

雲喜暫披無令見瞻後迴照復去疲

同前

權衡諒匪易愚智信難移九德皆殊進三端豈易施同稱

昆岫寶共握桂林枝鄭鼠今奚別齊竽或濫吹瑤臺有光

鑑屢照不應疲片善當無掩先鳴貴在斯龍門峻且極驥

足庶來馳太息李元禮期君幸一知

行不由徑

孟對類詩作

欲速竟何成康莊亦砥平天衢皆利往吾道本方行不復

由蓬徑無因訪蔣生三條遵廣道九軌尚安貞紫陌悠悠

去芳塵步清澹臺千載後公道有遺名

同前

王炎類詩作瘦承宣

邪徑趨時捷端心惡此名長衢貴高步大路自規行且慮

類詩作且避

縈紆僻將求

坦蕩情詎同

流俗好方保立身貞

遠跡如違險修仁在履平始知夫子道從此得堅誠

同前

張籍

田裏有微徑賢人不復行孰知趨

集作熟知求

捷步唯

集作又

恐

異端成從易衆所欲安邪忠亦生誰能違大路

集作達大道

共

此競前程子羽有遺跡孔門傳舊聲今逢大君子士節再

集作自應明

同前

俞簡

古人心有尚乃是孔門生爲計安貧樂當從大道行詎應

流遠迹方欲料前程捷徑雖云易長衢豈不平後來無枉

路先達擅前名一示遵途意微衷益自精

言行相顧

吳叔達

聖人垂政教萬古請常傳立志言爲本脩身行乃先相須

寧得闕相顧在無偏榮辱當於已忠貞必動天大名如副

實至道亦通玄千里猶能應何云邇者焉

同前

孟翱

將使言堪復常聞行欲先比珪斯不玷脩已直如絃跬步

非全進吹噓稟自然當今夫子察無宿仲由賢正遇興邦

際因懷入曙年坐知清鑒下相顧有人焉

求自試

竇常

僊禁祥雲合高梧彩鳳遊沉冥求自試通鑒果蒙收文墨

悲無位詩書誤白頭陳王抗表日毛遂請行秋雙劍曾埋

獄司空問斗牛希垂拂拭惠感激願相投

天門街西觀榮王聘妃

張光朝

僊媛來朱邸明王出紫微三周初展義百兩遂言歸鄭國
通梁苑天津接帝畿橋成鳥鵲助蓋轉鳳凰飛霜仗迎秋
色星鈺蒲夜暉從茲盤石固應為得賢妃

同前

梁鉉

帝子乘龍夜三星照戶前兩行宮火出十里道鋪筵羅綺
明中識簫韶暗裏傳燈攢九華扇帳撒五銖錢交頸文鴛
合和鳴彩鳳連欲知來日美雙拜紫微天

太社觀獻捷

入翰林試以
功字為韻

白居易

淮海妖氛滅軋坤喜氣通班師郊社内操袂凱歌中廟筭
無遺策天兵不戰功小臣同鳥獸率舞向皇風

觀劍南獻捷

遐圻新破虜名將應舊一作登壇戎首西南至旣裘長幼觀

邊疆氛已息矛戟血猶殘紫陌歡聲動丹墀喜氣盤唐虞
方德易衛霍比功難共覩俘囚入賡歌萬國安

河中獻捷

張隨

叛將忘恩久王師不戰通凱歌千里內喜氣二儀中寇盡
條山下兵迴漢苑東將軍初執信明主欲論功落日煙塵
靜寒郊壁壘空蒼生幸無事自此樂堯風

送薛大夫和蕃

孫願

亞相獨推賢乘輅向遠邊一心傾漢日萬里望胡天忠信
皇恩重要荒聖德傳戎人方屈膝塞月復嬋娟別思流鶯
晚歸朝候鴈先當書外垣傳迴泰赤墀前

同前

戎王歸漢命魏絳論皇恩旌旆雙闕風沙上五原往途
遵塞道出祖耀都門策今天文盛宣威使者遵澄波看四

海入貢佇諸蕃秋抄迎迴駟無勞在夢魂

吳宮教戰

吳祕類諸作類聚

客獻陳兵計功成欲霸吳玉顏承將略金殿賜軍符轉旆
風雲暗鳴顰錦繡趨雪花頻落粉香汗盡流珠掩笑誰干
令嚴師必用誅至今孫子法猶可靜邊隅

同前

林藻類詩作葉季良

強吳矜霸略講武在深宮畫出嬌娥輩先觀上將風揮戈
羅袖卷擐甲汗裝紅輕掩一作笑分旗下含羞入隊中鼓停
行未整形舉令方崇自可威隣國何勞騁戰功

李太尉重陽日得蘇屬國書 白行簡

降虜意何如窮荒九月初三秋異鄉節一紙故人書對酒
情無極開緘思有餘感時空寂寞懷舊幾躊躇鴈盡平沙
迴煙銷大漠虛迴頭向南望掩淚對雙魚

題杜賓客新豐里幽居

蔣防

退跡依三逕辭榮繼二疎聖情容解印帝里許懸車已去
龍樓籍猶分御廩儲風泉輸耳目松竹助玄虛調護心常
在山林意有餘應嗤紫芝客遠就白雲居

石季倫金谷故園

許堯佐

石氏遺文在淒涼見故園輕風思奏樂衰草憶行軒舞榭
荒苔掩歌臺墜葉繁斷雲歸舊壑流水咽清源曲渚殘虹
斂藜萑宿鳥喧空餘林上月長似對金罇

同前

李君芳

梓澤風流地淒涼跡尚存殘芳迷妓女衰草憶王孫舞熊
隨人謝歌聲寄鳥言池平森灌木月落弔空園流水悲難
駐浮雲影自翻賓階餘蘚石車馬詎喧喧

仲秋太常寺觀公輅車拜陵

苗重芳

南呂初開律金風已戒涼拜陵將展敬車輅儼成行士庶
觀祠禮公卿習舊章郊原佳氣引園寢瑞煙長鹵簿辭丹
闕威儀列太常聖心何所寄惟德在無忘

早春送郎官出宰

張隨

僊郎今出宰聖主下憂民紫陌軒車送丹墀雨露新趨程
猶犯雪行縣正逢春粉署時迴首銅章已在身鳴琴化欲
展起草戀空頻今日都門外悠悠別漢臣

武德殿朝退望九衢春色

曹松

玉殿朝初退天街一看春南山初過雨北闕淨無塵夾道
天桃滿連溝御柳新蘇舒同舜澤煦嫗並堯仁佳氣浮軒
蓋和風襲摺紳自茲憐萬物同入發生辰

一看類詩作一覽憐萬類詩作知萬

金莖

徐敞

武帝貴長生延年餌玉英銅盤貯珠露僊掌抗金莖拂曙

氛埃歛凌空沆瀣清岩峩捧瑞氣龍從出宮城勢入浮雲
聳形標霽色明大君當御宇何必去蓬瀛

錦帶佩吳鉤

張友正

帶劍誰家子春朝紫陌遊結邊霞聚錦縣慶月隨鈎絲縷
迴文出雄芒練影浮葉依花裏艷霜向鏑中秋的皦且驄
馬爛爛映綺裘應須待報國一刎月支頭

雲母屏風隔坐

彩鄣成雲母丹墀隔上公才彰二紀盛榮播一朝同近玉
初齊白臨花乍散紅凝姿分縹緲轉珮辨玲瓏意慳恩偏
厚名新寵更崇誰知歷千古猶自仰清風

觀淬龍泉劍

裴夷直

歐冶將成器風湖幸見逢發硎思剗玉投水化為龍詎肯
藏深類詩作深藏匣終期用制鐘蓮華生寶鏑秋日勵霜鋒鍊質繞三

尺吹毛過百重聲擊一作磨如不倦提握願長從類詩作决雲今得便提出剪姦凶

青出藍

王季文

芳藍滋疋帛人力半天經浸潤加新氣光輝勝本青還同
冰出水不共草為螢翻覆衣襟上偏知造化靈

同前

呂温

物有無窮好藍青更又集作出青朱研方比德白受始成形
袍襲宜從政衿垂可問經當年時集作不採擷佳色幾飄零

白受采

晶晶金方色還移妙不窮輕衣塵跡化淨壁績文通沙變
藍溪漬冰渝墨沼空似甘言受和由禮學資忠皎潔形無
定立黃用莫同素心如可教願染古人風

晦日同志昆明池泛舟

朱餘慶

故人同泛處遠色望中明靜見砂痕露微思月魄生周迴

餘雪在浩渺暮雲平戲鳥隨蘭棹空波盪石鯨劫灰難問
理島樹偶知名自省曾遊雜詠作賞無如此日情

同前

靈沼疑河漢蕭條見斗牛煙生知岸近水淨覺天秋落日
低前樹清輝滿去舟興因孤嶼起心為白蘋留曉吹兼漁
唱閑雲伴客愁龍津如可上長嘯且乘流

上巳連

雜詠作

清明遊宴

獨孤良弼

上巳歡初罷清明賞又追閏年侵舊曆令節併芳時細雨
鶯飛重春風酒醒遲翫花迷白雪看柳折青絲淑氣如相
待天和竟為誰却雜詠作嗟名未立空詠宴遊詩

登聖善寺閣望龍門

成嘒

高閣聊登望遙分禹鑿門刹連多寶塔樹滿給孤園香境
超三界清流振陸渾報慈弘孝理道行得真源空淨祥煙

霽時明愛日溫願從初地起長奉下生尊

上元日聽太清宮步虛

張仲素

僊客開金籙元辰會玉京靈歌寶紫府雅韻出層城磬雜
音徐一作徹風飄響更清紆餘空外盡斷續聽中生舞鶴
紛將集流雲住未行誰知九陌上塵俗仰遺聲

府試中元觀道流步虛

殷堯恭

玄都開祕籙白石禮先生上界秋光靜中元夜景清星辰
朝帝處鸞鶴步虛聲玉洞花長發珠宮月最明掃壇天地
肅投簡鬼神驚儻賜刀圭藥還成不死名

河南府試鄉飲酒

呂溫見集本

酌言雖舊典刈楚始登堂百拜賓儀盡三終樂奏長想同
鷲出谷看似鴈成行禮罷知何適隨雲入帝鄉

京兆府試目極千里

劉得仁

獻賦多年客低眉恨且千此心常鬱矣縱目忽超然送驥
登長路看鴻入遠天古墟煙暮暮窮野草綿綿樹與金城接
山疑桂水連何當開霽日無物翳平川

國學試風化下

薛能

霽闕露穹崇含生仰聖聰英明高比日聲教下如風靜發
宸居內低來品物中南薰歌自溥北極響皆通蘋末看無
狀人間覺有功因令委泥者覩此忘途窮

府試古鏡

舊是秦時鏡今來古匣中龍盤初挂月鳳舞欲生風石黛
曾留殿朱光適在宮應祥知道泰監物覺神通肝膽誠難
隱妍媸信易窮幸居君子室長願免塵蒙

秦鏡

仲子陵

萬古秦時鏡從來抱至精依臺月自吐在匣水常清爛爛

金光發澄澄物象生雲天皆洞鑒表裏盡虛明但見人窺
膽全勝響應聲妍媸定可識何處更逃情

同前

張佐

樓上秦時鏡千秋獨有名菱花寒不落冰質夏長清龍在
形難掩人來膽易呈昇臺宜遠照開匣乍藏明皎色新磨
出圓規舊鑄成愁容如可鑒當欲拂塵纓

監試夜雨滴空塔

喻鳧

霎霎復淒淒飄松又灑槐氣蒙蛛網檻聲疊蘚花塔古壁
青燈動深庭濕葉埋徐垂舊鴛瓦競歷小茅齋冷與陰蟲
間清將玉漏諧病身唯展轉誰見此時懷

江陵府初試澄心如水

盧肇

丹心何所喻唯集作水並清虛莫測千尋底難知一勺初
內明非有物上善本無魚澹泊隨高下波瀾逐卷舒養蒙

方浩浩出險

集作海

每徐徐若灌情田裏常流盡不如

文苑英華卷第一百八十九

登仕郎胡

柯

鄉貢進士彭

叔夏

校正

吳宮教戰客獻

類詩作有客

金殿賜

類詩作金細折

轉旆

類詩作轉佩

嚴師

類詩作嚴刑

文苑英華卷第一百九十

詩四十

朝省一

趨朝四十八首

寓直十六首

趨朝

守東華開門

一作守東平
中華門開

梁簡文帝

脂車向馳道惣轡息東

一作

華落關猶待漏交

一作

戟未

通車薄雲初啓雨曙色始成霞漸流鋪紫若城風泛橘花
弦誦終無取願已自懷嗟

一作皆藝文類聚

早朝車中聽望

何遜

詰旦鍾聲罷隱隱禁門通
蓬車響北闕
鄭履入南宮
宿霜

間

類聚作
霧開

馳道初日照相風胥徒紛絡繹

類聚
作騶

御或西東

入朝守門開

王褒

直城

類聚作
鳳池

通複道嚴駕早陵晨鐵符行警曙銀燄未開闈

塹暗城無影晴新路不塵屯兵引畫劔騎吹動班輪徒知
仰眷藻抽辭慙類聚未申

答王筠早廟守建陽門開

江惣

金兔猶懸魄銅龍欲啓扉三條息行火百雉照初暉御溝
槐影出仙掌露光晞

奉和從叔光祿愔元日早朝

李元操

見雜詠

銅渾變春節玉律動年灰曖曖城霞旦隱隱禁門開衆靈
湊仙府百神朝帝臺葉令雙鳧至梁王駟馬來戈鋌映林
闕歌管沸塵埃保章望瑞氣尚書滅火災冠冕多秀士簪
裾饒上才誰憐張仲蔚日暮返蒿萊

賦得謁帝承明廬

江惣

見初學記

霧開仁壽殿雲曉承明廬輪停紺幃引馬度紅塵餘香貂
拜黻袞花綬拂玄除謁帝升清漢何殊入紫虛

正日臨朝

唐太宗

見初學記

條風開獻節仄律動初陽百蠻奉遐賚萬國朝未央雖無
舜禹跡幸欣天地康車軌同八表書文混四方赫弈儼冠
蓋紛綸盛服章羽旄飛馳道鍾鼓震巖廊組練暉霞色霜
戟照朝光晨宵懷至理終愧撫遐荒

奉和正日臨朝

魏徵

見雜詠

百靈侍軒后萬國會塗山豈如今眷哲邁古獨光前聲教
溢四海朝宗引百川鏘洋鳴玉珮灼爍耀金蟬淑景輝雕
輦高旌揚翠烟庭實超王會廣樂盛鈞天既欣東戶日復
詠南風篇願奉光華慶從斯萬億年

同前

顏師古

七政璿衡始三元寶曆新負袞延百辟垂旒御九賓肅肅
皆鷓鷖濟濟盛纓初學記紳天涯致重雜詠作譯日城獻

奇珍

同前

岑文本 見雜詠

時雍表昌運日正叶靈符德兼三代禮功包四海圖踰沙
紛在列執玉儼相趨清蹕喧輦道張樂駭天衢拂蜿九旗
映儀鳳八音殊佳氣浮仙掌薰風繞帝梧天文光七政皇
恩彼九區方陪瘞玉禮珥筆岱山隅

同前

李百藥

化曆昭唐典承天順夏正百靈警朝禁三辰揚旆旌充庭
富禮樂高宴齒簪纓獻壽符萬歲移風韻九成

凌晨早朝

虞世南

萬戶宵光曙重簷夕霧收玉花停夜燭金壺送曉籌日暉
青瑣殿霞生結綺樓重門啓應路通籍引王侯

同潘屯田冬日早朝

張文琮

假寐懷古人夙興瞻曉月通晨禁門啓冠蓋趨朝謁霜露
清九衢霞光照雙闕紛綸文物紀煥爛聲明發腰劔動陸
離鳴玉和清越

春晚看羣公朝還人為八韻

陳子良

遊子惜春暮策仗出蒿萊正值康莊晚羣公謁帝迴獲度
南宮至車從此闕來珂影呵疑明月笳聲動落梅迎風采
眊轉照日綬花開紅塵掩鶴蓋翠柳拂龍媒綺雲臨舞閣
丹霞薄吹臺輕肥寧所羨未若反山隈

早朝

韋元旦

震維方月季宸極衆星尊珮玉朝三陞鳴珂度九門挈壺
分早漏伏檻耀初暉北倚蒼龍闕西臨紫鳳垣詞庭草欲
奏溫室樹無言鮮翰空為添長懷聖主恩

同前

鄭愔

瑞闕龍車峻宸庭鳳掖深才良寄天綽趨拜侶朝簪飛鳥
看來影喧車識駐音重軒輕霧入洞戶落花侵聞有題新
翰依然想舊林同聲慙卞玉謬此託韋金

同前

徐彥伯

夕轉清壺漏晨驚長樂鍾逶迤綸禁客假寐守銅龍予亦
趨三殿肩隨謁九重繁珂疑接曙響華劍此春容相問苔
韶一作光歇彌憐芳意濃願言乘日旰携手即雲從

同前

集作同韋舍人早朝

沈佺期

閭闔連雲起巖廊拂霧開玉珂龍影度珠履鴈行來長樂
宵鍾盡明光曉奏催一經推集作傳舊德五字選集作英才
儼若神仙去紛從霄漢迴客人朝與夕集作奉休歷分禁喜
趨陪

和崔正諫登秋日早朝

前人

鷄鳴朝謁蒲白露集作露白禁門秋爽氣臨旌戟朝光映冕旒
河宗來獻寶天子命焚裘獨負池集作津陽議言從建禮遊

敬和崔尚書大明朝堂雨後終南山見示之
作
蘇頲

弈弈軒車至清晨朝未央未央在霄極中路視咸陽委曲
漢京近周迴秦塞長日華動涇謂天翠合岐梁五文旌旗
色百層粉一作松非撩光東連歸馬地南指鬪鷄場晴壑照金
祀秋雲含壁璫由余窺霸國蕭相奉興王功役隱不見頌
聲存復揚權宜珍構絕聖祚寶圖昌在德期巢燧居安法
禹湯冢集作象卿才順美多士賦成章價重三臺俊名超百
郡良焉知掖垣下陳力自迷方

早朝大明宮

賈至

附見杜集

銀燭朝天紫陌長禁城春色曉蒼蒼千條弱柳垂青瑣百

轉流鶯繞集作滿建章劍珮聲隨玉墀步衣冠集作身氣集作染御
爐香共沐恩波鳳池裏終朝默默集作朝侍君王朝染翰

和前

王維附見杜集

絳幘鷄人送曉籌尚衣方進翠雲裘九重集作天閭闔開宮
殿萬國衣冠拜冕旒日色纔臨仙掌動香煙欲傍衮龍浮
朝殿集作罷須裁五色詔珮聲歸向集作到鳳池頭

和前

杜甫

五夜漏聲催曉箭九天集作重春色醉仙苑旌旗日暖龍蛇
動宮殿風微鷺雀高朝罷香煙携滿袖詩成珠玉在揮毫
欲知世掌絲綸美池上集作如今有鳳毛

和前

崔顥一作岑參
附見杜集

鷄鳴紫陌曉集作曙光寒鷺轉皇州春欲集作色闌金闕曙集作
曉鐘開萬戶玉階仙仗擁千官花明集作迎劍珮星初沒集作落

柳拂旌旗露未乾集作獨別有鳳凰池上客陽春一曲和仍
集作皆難
又作應

早朝二首

王維

皎潔明星高蒼茫遠天曙槐霧鬱不開城鷄鳴稍去始聞
高閣聲莫辨更衣處銀燭已成行集作金門儼駟馭

二

柳暗百花明春深五鳳城城鷄集作鳥睥睨曉宮井轆轤聲
方朔金門召集作侍班姬玉輦迎仍聞遣方士東海訪蓬瀛

春日直門下省早朝

前人

騎省直明光鷄鳴謁建章遙聞侍中珮暗識令公集作君
簡令君
坐處三香玉漏催集作隨銅史天書問集作拜夕郎旌旗映閭
闔歌吹滿昭陽官舍梅初紫宮門柳欲黃願將遲日意同
與聖恩長

紫宸殿退朝口號

杜甫 見集本

戶外昭容紫袖垂雙瞻御座引朝儀香飄合殿春風轉花
覆千官淑景移晝漏稀聞高閣報天顏有喜近臣知宮中
每出歸東省會送夔龍集鳳池

喜達行在所三首

自京輦至鳳翔

前人

西憶岐陽信無人遂却迴眼穿看集作當落日心死著寒灰
茂集作霧樹行相引連山集作蓮峯望忽開所親驚老瘦辛苦賊
中來

二

秋集作愁思胡笳夕淒涼漢苑春生還今日事間道暫時人
司隸章初覩南陽氣已新喜心翻倒極嗚咽集作涕沾巾

三

死去憑誰報歸來始自憐猶瞻太白雪喜遇武功天影靜

千官

集作門

裏心蘇七校前今朝漢社稷新數中興年

早朝日寄所居

皇甫曾

長安歲後見歸鴻紫禁朝天拜舞同曙色漸分雙闕裏漏
聲遙在百花中爐煙乍起開仙仗玉珮成行引上公共荷
發生同雨露不應黃葉久從風

元日早朝呈故省諸公

盧綸

萬戟凌霜布森森瑞氣間垂衣當曉日上壽對南山濟濟
延多士蹀躞舞百蠻小臣無事諫空愧伴鳴環

元日朝迴中夜書情寄南宮二故人

前人

鳴珮隨鸚鷺登堦見冕旒無能禪聖代何事別滄洲閑夜
貧還醉浮名老漸羞風城春欲晚郎吏憶同遊

春日早朝應制

竇叔向

紫殿俯千官春松應合歡御爐香燭暖馳道玉聲寒乳鷲

翻珠綴祥鳥集露盤宮花一萬樹不敢舉頭看

元日觀郭將軍早朝

釋靈澈

欲曙九衢人更多千條香燭照星河今朝始見金吾貴車馬縱橫避玉珂

和耿拾遺元日觀早朝

司空曙

元日爭朝闕奔流若會溟路塵和薄霧騎火接低星門響

一作雙魚鑰車喧百子鈴冕旒當翠殿幢戟滿彤庭積表

漏促歲方編瑞乘春即省一作刑太官諸侯陳禹玉司曆貢獻

堯奠壽酒三聲一作退簫韶九春停太陽開物像霈澤及

生靈南陌高山碧一作祥東方遠曉一作氣青自憐揚子賤

歸草太玄經

一作皆雜詠

元日觀朝

楊巨元

北極長尊報聖期一作仰周家何用問元龜天顏入曙千

官拜

一作喜

元日

一作日色

迎春萬物知閭闔迴臨黃道正衣裳

高對碧山垂微臣願獻堯人祝壽酒年年太液池

一作皆雜詠

送楊凝郎中賀正

韓愈

天星牢落鷄喔咿僕夫起飡車載脂正當窮冬寒未已借

問君子定何集作行安之會朝元正無不至受命上宰須及期

侍從近臣有虛位公今此去歸何時

和庫部盧四兄曹長元日朝迴

前人

天仗宵嚴建羽旄春雲送色曉鷄號金鑪香動螭頭暗玉

珮聲來雉尾高戎服上趨承北極儒冠列侍映東曹太平

時節身難過郎署何須歎二毛

春日退朝

劉禹錫

紫陌夜來雨南山朝下看戟枝迎日動閣影助松寒瑞氣

卷綃縠遊光浮集作波瀾御溝新柳色處處拂歸鞍

田司空入朝

張籍

西來將相近集作兼雄不與諸軍覲禮同早變山東知順

命新收濟下立殊功朝官序謁趨門外恩使宣集作迎蒲

路中間闔曉開集作銅漏靜身當受冊大明宮

早朝寄白舍人嚴郎中

前人

鼓聲初動未聞鷄羸馬街中踏凍泥燭暗有時衝石柱雪

深無處認沙堤常參班裏人猶少待漏房前月欲西鳳闕

集作閣星郎雖去遠閣門門日入還齊

行簡初授拾遺同早朝入閣因示十二韻

白居易

夜色尚蒼蒼槐陰夾路長聽鍾出長樂傳鼓到新昌宿雨

沙堤潤秋風樺燭香馬驕欺地軟人健得天涼待漏排闥

闔停珂擁建章爾隨黃閣老吾次紫微郎並入連稱籍齊

趨對折方闕班花接萼綽立鴈分行近職誠為美微才豈

合當綸言難下筆諫紙易盈箱老去何徵幸集作時來不

料量唯求致集作身地相誓答恩光

和集賢劉學士早朝作

前人

吟君昨日早朝詩金御鑪前喚仗時煙吐白龍頭宛轉扇

開青雉尾參差暫留書殿多稱屈合入綸闈即可知從此

摩霄去非晚鬢邊集作未有莖絲

朝謁

鄭谷

椿日整朝簪千官一片心班趨黃道急殿揖紫宸深威鳳

迴香袞新鷲轉上林小松含瑞露春翠易成陰武德殿前

放朝偶作

前人見集本

塞極放朝天忻聞半夜宣時安逢密雪日晏得高眠擁褐

同休假吟詩賀有年坐來幽興在松亞小牕前

入閣

前人

祕殿臨軒日和鑾返正年兩班文武盛百辟羽儀全霜漏
清中禁風旗拂曙天門嚴新契勩伏入乍集作承宣玉梳
當紅旭金鑪縱碧煙對敬稱法吏贊引出宮鈿言動揮毫
疾威容報集作執簿專壽山晴靄黛集作靄顯氣暖連延禮有
鴛鸞集恩無雨露偏小臣叨備位諷詠泰階前

寓直

寓直中庶坊贈蕭洗馬

馬筠

龍樓實九重簿寒殊復早玉階滋清露銅池結秋潦霜被
守宮槐風驚護門草之子擣一作文華縱橫富辭藻舒錦
慙光麗握珠謝竒寶愧予非工文何用披懷抱

寒夜直坊憶袁三公

蕭子雲

滴滴雨鳴階悒悒茲夜靜風落宣猷樹寒洞承光屏高推

獨曉垂華燈空夜罔所思不相見方知寒漏永

入蘭臺贈王治書僧孺

吳均

故人楊子雲校書騏驎下寂寞少交遊紛綸富文雅余本
隴西使寓居雒陽社相思非不深行人避驄馬

冬夜酬魏少傅直史館

邢子才

年病縱橫至動息不自安兼豆未能飽重裘詎解寒况乃
冬之夜霜氣有餘酸風音響北牖月影度南端燈光明且
滅燭花新復殘衰顏依候晚壯志與時闌體羸不盡帶髮
落強扶冠夜行將欲近夕息故無寬忽有清風贈辭氣婉
如蘭先言難一作三友次未言慙一官麗藻高鄭衛專
學美齊韓審喻雖有厲筆削少能干高足自無限積風良
可搏空想青門易寧見赤松難寄語東山道高駕尚一作
盤桓

一作皆初學記

中書寓直詠雨簡褚起居上官學士 楊師道

雲暗蒼龍闕沉沉殊未開
窻臨鳳凰沼颯颯雨聲來
電影入飛閣風威凌吹臺
長簷響奔溜清簟肅浮埃
早荷葉稍沒新篁枝半摧
茲晨悵多緒懷友自難裁
况復重城內日暮獨徘徊
玉階良史筆金馬揆天才
高薨通散寄複道架蓬萊
思君贈桃李於此冀瓊環

同徐員外除太子舍人寓直之作 郭元振

太子擅元良官臣命偉長
除榮辭會府直宿愬書坊
露濕幽巖桂風吹便坐桑
閣連雲一色池帶月重光
葉死蘭無氣荷枯水不香
遙聞秋興作言是晉中郎

春夜寓直鳳閣懷羣公 魏知古

拜門傳漏晚寓省索居時
昔重安仁賦今稱伯玉詩
鴛池滿不溢鷄樹久逾滋
夙夜懷山甫清風詠所思

訓薛舍人萬年宮晚景寓直懷友 上官儀

弈弈九城臺窈窕絕塵埃
蒼蒼萬年樹玲瓏下宣霧
池色搖晚空巖花斂餘煦
清切丹禁靜浩蕩文河注
留連窮勝託風期睽善謔
東望安仁省西臨子雲閣
長嘯披煙霞高步尋蘭若
金秋掩通門雕鞍歸騎喧
燕餘對明月荆艷促芳樽
別有青山路策杖訪王孫

和陽舍人詠中省花樹 張文琮

初藥映春叢初學記作華參差間早紅
因風時落砌雜雨乍浮空
影煦初學記鳳池水香飄鷄樹風
豈不愛攀折希君懷袖中

直中書省 韋承慶

清切鳳凰池扶踈鷄樹枝
唯應集鸞鷲何為宿霸唯
大造乾坤闢深恩雨露垂
昆蛟既含養駑駘亦驅馳
木偶翻為

用芝泥忽濫窺九思空自勉五字本無施徒喜逢千載何
階答二儀螢光向日盡蚊力負山疲禁宇庭除闕閤宵鍾
箭移暗花臨戶發殘月下簾欹白鬢一作隨身改丹心爲
主披命將時並泰言與行俱危寄謝登巢客堯年復在斯
和騫右丞省中暮望
楊炯

故事閑臺閣仙門藹已深舊章窺複道雲幌肅重陰玄律
葭灰變青陽斗柄臨年光搖樹色春氣繞蘭心風響高牕
度流痕曲岸侵天明惣樞轄人鏡辨衣簪日暮南宮靜瑤
華振雅音

和蘇貞外寓直

喬知之

自昔重爲郎伊人練國章三旬登建禮五夜直明光墨草
尚書奏衣飄侍御香開簾竹氣靜拂篔簹蕙風涼曉漏離閭
闔鳴鍾出未央從來宿臺上天子貴文強

此詩一百九十一卷重出今已削去

和杜侍御太清臺宿直旦有懷

李嶠

貂冠朝彩振烏署曉光分欲嘯遷喬侶先飛擲地文庭虛
麥雨潤林靜蕙風薰藉駕終難仰梁鳧且自羣

自考功貞外授一作郎中給事中

沈佺期

南省推丹地東曹拜初學記瑣闥惠移雙管筆恩降五時

衣出入宜真選遭逢每濫飛器慙公理拙才謝子雲微案
牘遺常禮朋寮隔等威上台行揖讓中禁動光暉旭日千
門起初春八舍歸贈蘭聞宿昔談樹隱芳菲何幸鹽梅處
唯憂對問機省躬知任重寧止冒榮非

訓楊給事廉見贈省集作中 前人

子雲推辯博公禮集作擅詞雄始自尚書省旋聞給

事中言從温室祕籍向瓊闈通顧我叨集作郎署慙無草

奏工

集作章奏功

分曹八舍斷解袂五時空宿昔叨

集作陪

餘論

平生賴擊蒙神仙應東掖雲霧限南宮忽在瓊田贈長歌

蘭渚同

集作風

同蘇貞外味玄夏晚寓直省中

前人

並命登仙閣分宵直禮闈太官供宿膳侍史護朝衣卷幔

天河入當階

集作開學記作披庭初

月露微小池殘暑退高樹早涼

歸冠劍無時釋軒車待漏飛明朝題漢柱三署有光輝

文苑英華卷第一百九十

早朝車中聽望 駟御或西東

此下集本有暫喧耳目外還保性靈中
方厭集注作驗遊朝市此說不為空四句

